

三
國
藝
文
志

三國藝文志卷四

姚氏學

集之類二曰別集曰總集附錄二種曰佛經曰道書

魏武帝集三十卷錄一卷

魏武帝逸集十卷

魏武帝集新撰十卷

魏志本紀注魏書曰太祖御軍三十餘年手不捨書晝則講武策夜則思經傳登高必賦及造新詩被之管絃皆成樂章

魏志文紀注典論自敘曰上雅好詩書文籍雖在軍旅手不釋卷每每定省從容常言人少好學則思專長則善忘長大而能勤學者唯吾與袁伯業耳

袁遺字伯業汝南人袁紹

從兄見武紀初
平元年裴氏注

鍾嶸詩品曰曹公古直甚有悲涼之句

文心雕龍時序篇曰建安之末區宇方輯魏武以相王之尊雅愛詩章

隋書經籍志魏武帝集二十六卷梁三十卷錄一卷梁又有武皇帝逸集十卷亡又曰魏武帝集新撰十卷唐經籍志魏武帝集三十卷藝文志同

明張溥漢魏六朝百三家魏武帝集輯本一卷凡令教表奏事策書尺牘序祭文樂府歌辭綜一百四十五篇嚴可均全三國文編輯本三卷凡賦策表奏上書上事教令書序家傳雜文綜一百五十篇明馮惟訥詩紀輯

存樂府十四篇二十一首

魏文帝集二十三卷

魏志本紀初帝好文學以著述爲務自所勒成垂百篇
又曰文帝天資文藻下筆成章博聞彊識才藝兼該

魏志本紀注魏書曰帝八歲能屬文有逸才博貫古今
經傳諸子百家之書初在東宮疫癘大起時人彫傷帝
深感歎與素所敬者大理王朗書曰生有七尺之形死
爲一棺之士唯立德揚名可以不朽其次莫如著篇籍
疫癘數起士人彫落余獨何人能全其壽故論撰所著
典論詩賦蓋百餘篇

鍾嶸詩品曰魏文帝詩其源出於李陵頗有仲宣之體

則所訂百許篇率皆鄙質如偶語惟西北有浮雲十餘
首殊美贍可翫始見其工矣不然何以銓衡羣彥對揚
厥弟者耶

文心雕龍才略篇曰魏文之才洋洋清綺舊談抑之謂
去植千里然子建思捷而才儻詩麗而表逸子桓慮詳
而力緩故不競於先鳴而樂府清越典論辨要迭用短
長亦無憎焉但俗情抑揚雷同一響遂令文帝以位尊
減才思王以勢窘益價未爲篤論也又銘箴篇云魏文
九寶器利辭鈍序志篇云近代論文若魏文述典密而
不周

隋書經籍志魏文帝集十卷梁二十三卷唐經籍志魏

文帝集十卷藝文志同宋史藝文志魏文帝集一卷

玉海二十八中興書目魏文帝集六卷賦詩各二書表

詔一雜文一

張氏百三家魏文帝集輯本二卷凡賦詔令策教表書
序論議連珠銘文哀策誄制樂府詩綜一百九十餘篇
嚴氏文編輯本四卷凡賦詔策令教上書議書敘論連
珠銘誄雜文綜一百六十九篇繫以典論一卷馮氏詩
紀輯存樂府詩三十五篇四十二首附甄后樂府一首
魏明帝集九卷錄一卷

魏志本紀注魏書曰帝好學多識特留意於法理自在
東宮不交朝臣不問政事唯潛思書籍而已

鍾嶸詩品曰曹公古直甚有悲涼之句叡不如丕亦稱

三祖

文心雕龍時序篇明帝纂戎制詩度曲徵篇章之士置
崇文之館何劉羣才迭相照耀

隋書經籍志魏明帝集七卷梁五卷或九卷錄一卷唐
經籍志魏明帝集十卷藝文志同

嚴氏文編輯本二卷凡賦詔聖書露布論雜文綜九十
篇馮氏詩紀輯存樂府十卷

魏高貴鄉公集四卷

魏志本紀評曰高貴公才慧夙成好問尙辭蓋亦文帝
之風流也

本紀注魏氏春秋曰公神明爽儁德音宣朗罷朝司馬
景王私曰上何如主也鍾會對曰才同陳思武類太祖
本紀注帝集載自敘始生禎祥一篇傅暢晉諸公贊曰
帝嘗與中護軍司馬望侍中王沈散騎常侍裴秀黃門
侍郎鍾會等講宴於東堂并屬文論名秀爲儒林丈人
沈爲文籍先生望會亦各有名號

文心雕龍時序篇曰少主相仍唯高貴英雅顧盼合章
動言成論於時正始餘風篇體輕澹而嵇阮應繆並馳
文路矣

隋書經籍志梁又有高貴鄉公集四卷亡唐經籍志魏
高貴鄉公集二卷藝文志同

嚴氏文編輯本凡賦詔論敘綜二十四篇

魏陳思王曹植撰定前錄七十八篇 植始末具經部樂類

藝文類聚五十三魏陳王曹植文章序曰故君子之作也儼乎若高山勃乎若浮雲質素也如秋蓬擿藻也如春葩汜乎洋洋光乎膈膈與雅頌爭流可也余少而好賦其所尚也雅好慷慨所著繁多雖觸類而作然蕪穢者眾故刪定別撰爲前錄七十八篇

按傳注引典略植與楊修書曰今往僕少小所著辭賦一通相與修答書曰猥受顧賜教使刊定云云與此錄自序所言相印合其卽此錄嘗以屬楊修點定者建安十九年徙封臨晉之後事也

魏陳思王曹植集三十卷

魏陳思王曹植集二十卷

魏志本傳景初中詔曰陳思王自少至終篇籍不離於手誠難能也其撰錄植前後所著賦頌詩銘雜論凡百餘篇副藏內外

鍾嶸詩品曰魏陳思王詩其源出於國風骨氣奇高詞采華茂情兼怨雅體被文質粲溢今古卓爾不羣孔氏之門如有詩則公幹升堂思王入室又曰古詩如曹植劉楨王粲阮籍等十二人皆上品

文心雕龍明詩篇曰四言五言兼善則子建仲宣章表篇云陳思之表獨冠羣才觀其體贍而律調辭清而旨

顯應物制巧隨變生趣執轡有餘故能緩急應節矣頌
讚篇云陳思所綴以皇子爲標雜文篇云陳思七啟致
美於宏壯又曰陳思客問辭高而理疏誄碑篇云陳思
叨名而體實繁緩文皇誄末旨言自陳其乖甚矣論說
篇云曹植辨道體同書鈔封禪篇云陳思魏德假論客
主問答迂緩且已千言勞深勦寡颯炎缺焉序志篇云
詳觀近代之論文者若陳思序書辨而無當

隋書經籍志魏陳思王曹植集三十卷日本國見在書
目魏曹植集三十卷唐經籍志魏陳思王集二十卷又
三十卷藝文志同通志略陳思王集三十卷又二十卷
宋藝文志曹植集十卷

晁氏郡齋讀書志曰按魏志景初中撰錄植所著凡百餘篇隋志植集三十卷唐志二十卷今集十卷比隋唐本有亡佚者而詩文二百篇返溢於本傳所載不曉其故

陳氏書錄解題曰陳思王集二十卷卷數與唐志合其閒亦有采取御覽書鈔類聚諸書中所有者意皆後人附益然則亦非當時全書矣

四庫提要曰曹子建集十卷此本目錄後有嘉定六年癸酉字猶從宋寧宗時本翻彫蓋卽通考所載也

按通考所

載十卷本與晁志同

凡賦四十四篇詩七十四篇雜文九十二篇合二百十篇殘篇斷句錯出其閒棄婦篇見玉臺新詠

鏡銘八字反覆顛倒皆叶韻成文實爲迴文之祖見藝文類聚皆未收入亦不免有所舛漏

嚴氏文編敘目曰曹植集十卷明郭萬程刻本又二卷明張溥百三家集本今輯本七卷凡賦五十六篇令章表疏書序頌畫贊論說銘誄雜文百四十三篇馮氏詩紀樂府詩五十六篇

按陳思王文章有前後錄景初詔撰稱前後所著百餘篇亦似指前錄後錄而言除前錄自定七十八篇後錄當二十餘疑前錄三十卷後錄二十卷隋時但有前錄唐代乃前後錄並出通志略以三十卷在前二十卷列後似亦以爲前錄後錄所以別於唐志之

顛倒歟然是否卽景初原本不可知已

魏中山恭王曹袞集

魏志武文世王公傳武皇帝二十五男杜夫人生沛穆王林中山恭王袞袞建安二十一年封平鄉侯少好學年十餘歲能屬文二十二年徙封東鄉其年又改封贊黃初二年進爵爲公三年爲北海王其年黃龍見鄴西漳水袞上書贊頌四年改封贊王七年徙封濮陽太和二年就國五年冬入朝六年改封中山青龍三年秋袞得疾病其年薨凡所著文章二萬餘言才不及陳思王而好與之侔子孚嗣

明紀青龍三年冬十月己酉中山王袞薨

嚴氏文編輯存本傳所載敕令官屬敕世子各一篇皆

疾困時作也

魏侍中劉廙集二卷

廙始末具史部雜傳記類

本傳廙著書數十篇及與丁儀共論刑禮皆傳於世

吳志孫皓傳注江表傳曰初丹陽刁玄使蜀得司馬徽與劉廙論運命歷數事

文心雕龍書記篇曰劉廙謝恩喻切以至箋之爲善者也

隋書經籍志梁又有劉廙集二卷亡唐經籍志劉廙集二卷藝文志同

嚴氏文編輯存表疏上言奏議箋答難戒凡十二篇合以政論爲一卷

魏散騎常侍王象集一卷

魏志傷俊傳俊避地并州本郡王象少孤特爲人僕隸年十七入見使牧羊而私讀書因被箠楚俊嘉其才質卽贖象著家聘娶立屋然後與別魏略曰象字義伯旣爲俊所知拔果有才智建安中與同郡荀緯等俱爲魏太子所禮待及王粲陳琳阮瑀路粹等亡後新出之中國惟象才最高魏有天下拜象散騎侍郎遷常侍封列侯領祕書監象旣性氣和厚又文采溫雅用是京師歸美稱爲儒宗後文帝殺俊象自恨不能濟俊遂發病死魏志衛覬傳黃初時散騎常侍河內王象亦與覬並以

文章顯

隋書經籍志梁又有散騎常侍王象集一卷亡

嚴氏文編錄存薦楊俊一篇

魏越騎校尉荀緯集

魏志王粲附傳自潁川邯鄲繁欽陳留路粹沛國丁
僕丁廣弘農楊修河內荀緯等亦有文采而不在此七

人之列

按七人謂建
安七子也

裴注荀勗文章敘錄曰緯字公高少喜文學建安中召
署軍謀掾魏太子庶子稍遷至散騎常侍越騎校尉年
四十二黃初四年卒

按魏志此一卷所敘凡三十一人皆文學士各自著
書傳世者荀緯有文采次建安七子與王象同爲魏

太子所禮又見於文章敘錄必有所作其集蓋久亡
故七錄隋志不及著錄

魏給事中邯鄲淳集二卷錄一卷

淳始末具子邯小說家

魏志王粲附傳注魏略曰淳博學有才章黃初初作投

壺賦千餘言奏之文帝以爲工賜帛千匹

按千字似誤

女心雕龍才略篇曰丁儀邯鄲亦含論述之美又封禪
篇云至於邯鄲受命攀轡前聲風末力寡輯韻成頌雖
文理順序而不能奮飛

隋書經籍志魏給事中邯鄲淳集二卷梁有錄一卷唐
經籍志邯鄲淳集二卷藝文志同

嚴氏文編輯存投壺賦受命述及上表漢鴻臚陳紀碑

孝女曹娥碑凡五篇馮氏詩紀輯存四言詩一篇

魏中書令劉階集二卷

隋書經籍志梁又有中書令劉階集二卷亡

按劉階始末未詳疑是桓階之誤魏志列傳以傅嘏桓階相先後隋志引七錄亦以劉階傳嘏相連屬由是推尋其出於桓階爲多階文帝時爲尚書令侍中別見史部雜傳記類七錄云中書令中亦疑尙字之譌嚴氏文編從裴注宋書禮志通典輯存其奏議六篇

魏西平太守嚴苞集

魏志王肅傳注魏略儒宗傳曰建安初賈洪應州辟時

州中自參軍事以下百餘人唯洪與馮翊嚴苞交通材
學最高苞歷守二縣黃初中以高才入爲祕書丞數奏
文賦文帝異之出爲西平太守卒官

按苞數奏文賦則當時有集可知

魏新城太守孟達集三卷

蜀志劉封傳初劉璋遣扶風孟達副法正各將兵迎先
主蜀平後以達爲宜都太守建安二十四年命達北攻
房陵進攻上庸遣封下統達軍自關羽圍樊城襄陽連
呼封達發兵自助封達不承羽命會羽覆敗先主恨之
又封與達忿爭不和封尋奪達鼓吹達旣懼罪又忿恚
封遂發表辭先主率所領降魏魏文帝善達之姿才容

觀以爲敦騎常侍建武將軍封平陽亭侯合房陵上庸
西城三郢達頓新城太守遣征南將軍夏侯尚右將軍
徐晃興達其與封封破走還成都達字子敬政字子度
魏志文紀延康元年秋七月蜀將孟達率眾降明紀太
和元年十二月新城太守孟達反詔驃騎將軍司馬宣
王討之二年春正月宣王攻破新城斬達傳其首按達反事詳見前卷下及略見前卷傳

隋書經籍志梁又有新城太守孟達集三卷亡唐經籍

志孟達集三卷文志同兩本皆昔

嚴氏文編錄存達辭先主表在魏奏薦王雄在魏與劉
封書與諸葛亮兵到又告諸葛亮凡五篇

魏司徒王朗集三十四卷 朗始末具經部易類

本傳朗著易春秋孝經周官傳奏議論記咸傳於世魏書曰朗高才博雅

文心雕龍奏啟篇曰魏代名臣文理迭興若高堂天文王朗節省亦盡節而知治矣又才略篇云王朗發憤以託志亦致美于序銘銘箴篇云王朗雜箴乃置巾履得其戒愼而失其所施觀其約文舉要憲章戒銘而水火井竈繁辭不已志有偏也

隋書經籍志魏司徒王朗集三十四卷注云梁三十卷唐經籍志王朗集三十卷藝文志同

嚴氏文編錄存表疏上事奏議書論雜箴貧窶語塞勢

凡三十二篇

按御覽入百三十引王朗新奏議似其集分奏議爲兩篇入魏之後曰新奏議未可

知也

魏侍中吳質集五卷

質始末具史部雜傳記類

魏志王粲附傳質以文才爲文帝所善魏略曰質以才學通博爲五官將及諸侯所禮愛質亦善處其兄弟之間若前世樓君卿之游五侯矣質別傳曰及文帝崩質思慕作詩

隋書經籍志梁又有侍中吳質集五卷亡唐經籍志吳質集五卷藝文志同

殷氏文編錄存賦箋書論凡七篇馮氏詩紀錄詩一篇
魏司徒華歆集二卷

本傳歆字子魚平原高唐人也靈帝時舉孝廉除郎中
後爲豫章太守孫策略地江東歆乃幅巾迎策策死太
祖在官渡表天子徵歆拜議郎參司空軍事入爲尚書
轉侍中代荀彧爲尚書令魏國旣建爲御史大夫文帝
卽王位拜相國及踐阼改爲司徒明帝卽位進封博平
侯轉拜太尉太和五年薨諡曰敬侯魏書云時年七十
五

隋書經籍志梁有司徒華歆集二卷亡唐經籍志魏華
歆集二十卷藝文志華歆集三十卷按兩唐志卷數與
七錄懸殊必有一
誤

嚴氏文編錄存請敘鄭小同表諫伐蜀疏請受禪上言

奏討孫吳凡四篇

魏尚書傳異集二卷錄一卷

異始末具史部補傳記類

魏志劉表傳注傅子曰異瓌偉博達有知人鑒

隋書經籍志梁有尚書傳異集二卷錄一卷亡唐經籍

志傳異集二卷藝文志同

嚴氏文編錄存槐樹賦蚊賦七誨奢儉論筆銘凡五篇

魏司徒陳羣集五卷

羣始末具經部論語類

本傳羣祖父寔父紀叔父湛皆有盛名羣為兒時寔常

奇異之謂宗人父老曰此興吾宗魯國孔融高才倨傲

年在紀羣之間先與紀友後與羣交更為紀拜由是羣

名

隋書經籍志梁又有司徒陳羣集五卷亡書經籍志
羣集三卷藝文志同

嚴氏文編錄存疏諫奏議書及汝穎人物論凡一十三
篇

魏尚書衛覲集數十篇

覲始末具經部孝經類

本傳選漢朝爲侍郎勸贊禪代之儀爲文誥之詔又曰
覲歷漢魏時獻忠言受詔典著作凡所撰述數十篇好
古文爲篆隸草無所不善河南潘勗河內王象與覲並
以文章顯

古文苑間人準衛敬侯碑陰文曰所著述注解故訓
及文筆等甚多皆已失墜所注孝經固而倉頡冢碑大

篆書在左馬翊利陽亭南道旁及華山下亭碑增算狀
殷叔時碑魏大饗碑羣臣上尊號奏及受禪石表文並
在許繁昌尊號奏鍾元常書受禪表覲並金針八分書
也太祖文帝等臨詔令雜駁議上封事一百餘條誠子
等散在門人及碑石可見

文心雕龍詔策篇建安之末文理代興潘勗九錫典雅
逸羣衛覬禪誥符命炳耀弗可加已

嚴氏文編輯本一卷凡詔冊表疏奏議書碑十七篇附
聞人牟準衛敬侯碑陰文一篇嚴氏曰牟準不見于傳
記據碑陰言故吏門生則去覬未遠也又言所著述注
解故訓及文筆甚多皆已失墜攷覬仕漢入魏卒於明

帝時子瓘仕魏入晉至惠帝永平初家世煥赫何至失
墜此必賈后矯詔殺瓘後之言也又曰獻帝諸禪詔皆
覲作

按衛敬侯所撰今可攷見者唯孝經固魏官儀兩書
其集亦不見於隋唐志蓋皆亡於賈后殺瓘及恆之
時嚴氏極意蒐萃猶存一卷可珍也

魏光祿勳高堂隆集十卷錄一卷

隆始末具史部故事類

本傳評曰高堂隆學業修明志存匡君因變陳戒發于
懇誠忠矣哉及至必改正朔俾魏祖虞所謂意過其通
者歟

本傳注習鑿齒曰高堂隆可謂忠臣矣君侈每思諫其

惡將死不忘憂社稷正辭動於昏主明戒驗於身後譽
諤足以勵物德音沒而彌彰可不謂忠且智乎詩云聽
用我謀庶無大悔又曰曾是莫聽大命以傾其高堂隆
之謂也

隋書經籍志魏光祿勳高堂隆集六卷梁十卷錄一卷
唐經籍志高堂隆集十卷藝文志同

嚴氏文編輯本一卷凡對詔表疏上言奏議對問綜二
十九篇

魏徵士管寧集三卷錄一卷

寧始末具史部雜傳記類

本傳寧與平原華歆同縣邴原相友俱游學於異國並
敬善陳仲弓

隋書經籍志梁又有魏徵士管寧集三卷錄一卷唐經籍志管寧集二卷藝文志同

嚴氏文編輯存辭疾上書辭徵命上疏辭辟別駕文答
桓範書凡四篇

魏散騎常侍繆襲集五卷錄一卷

襲始末具經部樂類

魏志劉邵附傳邵同時東海繆襲亦有才學多所述敘亦著文賦頗傳於世

鍾嶸詩品曰熙伯挽歌唯以造哀爾

隋書經籍志魏散騎常侍繆襲集五卷梁有錄一卷唐經籍志繆襲集五卷藝文志同

嚴氏文編錄存賦表奏對奏議贊及祭儀凡一十四篇

馮氏詩紀錄存鼓吹曲挽歌凡十三篇

魏光祿勳劉邵集二卷錄一卷

邵始末具經部樂類

本傳邵嘗作趙都賦明帝美之詔邵作許都洛都賦時外興軍旅內興宮室邵作二賦皆諷諫焉青龍中詔書博求眾賢散騎侍郎夏侯惠薦邵曰伏見散騎常侍劉邵深忠篤思體周於數凡所錯綜源流弘遠是以羣才大小咸取所同而斟酌焉故性實之士服其平和良正清靜之人慕其玄虛退讓文學之士嘉其推步詳審法理之士明其分數精比意思之士知其沈深篤固文章之士愛其著論屬辭制度之士貴其化略較要策謀之士贊其明思通微凡此諸論皆取適己所長而舉其支

流者也。臣數聽其清談，覽其篤論，漸漬歷年，服膺彌久。實爲朝廷奇其器量。臣松之以爲凡相稱薦，率多溢美。邵云玄虛退讓，及明思通微，近於過也。

文心雕龍才略篇曰：劉邵、趙都能舉於前修。

隋書經籍志：梁又有光祿勳劉邵集二卷，錄一卷。亡。唐經籍志：劉邵集二卷，藝文志同。

嚴氏文編錄存趙都賦、嘉瑞賦、龍瑞賦、疏議序、七華飛

白序、勢誅凡一十三篇。按飛白序、勢嚴氏從藝文類聚七十四卷中錄出，今攷張懷瓘

書斷乃晉劉紹撰，非此劉邵也。

魏散騎常侍麋元集五卷

隋書經籍志：梁又有散騎常侍麋元集五卷，亡。唐經籍

志麋元集五卷藝文志同

嚴氏文編麋元爲散騎常侍有集五卷藝文類聚三十
六引魏麋元譏許由一篇又三十七及御覽五百九十
六引元弔夷齊文一篇

按麋元始末無可考魏有麋信蜀有麋竺麋芳並東
海胸人殆其族歟類聚弔夷齊文有王粲阮瑀麋元
三人粲之辭曰歲旻秋之仲月從王師以南征濟河
津而長驅覽首陽於東隅瑀之辭曰余以王事適彼
洛師瞻望首陽敬弔伯夷元之辭曰少承洪烈從戎
於王側聞先生處於首陽敢不敬弔寄之山岡尋其
文則元與王阮從魏武西征馬超韓遂時作建安十

六年也大抵初亦爲丞相掾屬歷官散騎常侍者御覽同卷又有麋元弔比干文

魏游擊將軍卞蘭集二卷錄一卷

魏志武宣卞皇后附傳后琅邪開陽人文帝母也后弟秉以功進封開陽侯爲昭烈將軍秉薨子蘭嗣蘭少有才學爲奉車都尉游擊將軍加散騎常侍魏略曰蘭獻賦贊述太子德美

隋書經籍志梁又有游擊將軍卞蘭集二卷錄一卷亡唐經籍志卞蘭集二卷藝文志同

嚴氏文編錄存贊述太子賦許昌宮賦七牧座右銘凡四篇

魏隰陽侯李康集二卷錄一卷

太平御覽五百八十六引魏書曰李康字肅遠性介立不和俗爲鄉里所嫉故官不進嘗作游九疑詩明帝異其文問左右斯人安在吾欲擢之因起家爲隰陽長卒文選運命論注引宋劉義慶集林曰李康字肅遠中山人也嘗游山九吟魏明帝異其文遂起家爲尋陽長政有美積病卒

文心雕龍論說篇曰李康運命同論衡而過之

隋書經籍志梁有隰陽侯李康集二卷錄一卷亡唐陸籍志李康集二卷藝文志同

嚴氏文編錄存憫體賦游山九吟序運命論凡三篇

按魏書康字肅遠選注引集林作肅遠未詳孰是隰陽長選注作尋陽長似非是隋志引七錄作隰陽侯侯當爲長

魏大司農桓範集二卷

範始末具子部法家

隋書經籍志梁又有桓範集二卷亡唐經籍志桓範集二卷藝文志同

嚴氏文編錄存表書五篇并世要論逸文爲一卷

魏中領軍曹羲集五卷錄一卷

羲始末具子部儒家

隋書經籍志梁又有中領軍曹羲集五卷錄一卷亡唐經籍志曹羲集五卷藝文志同

嚴氏文編錄存爲兄爽表司馬懿爲太傅大司馬中將

濟叔嫂服議九品議至公論肉刑論凡五篇

魏尚書何晏集十卷錄一卷

晏始末具經部易類

魏志曹爽附傳晏以才秀知名作道德論及諸文賦著述凡數十篇

世說規箴篇曰何晏令管輅作卦云不知位至三公否卦成輅稱引古義深以戒之晏曰知幾其神乎詩不云乎中心藏之何日忘之注名士傳曰是時曹爽輔政識者慮有危機晏有重名與魏姻戚內雖懷憂而無復退也著五言詩以言志蓋因輅言懼而賦詩

鍾嶸詩品曰平叔鴻雁之篇風規見矣宜居中品

文心雕龍明詩篇曰及正始明道詩雜仙心何晏之徒

率多浮淺又才略篇云何晏景福克光於後進

隋書經籍志魏尚書何晏集十一卷梁十卷錄一卷唐
經籍志何晏集十卷藝文志同

嚴氏文編錄存賦奏議論敘頌銘凡十四篇馮氏詩紀
五言詩二首

魏尚書郎王弼集五卷錄一卷 弼始末具經部易類

隋書經籍志梁又有王弼集五卷錄一卷亡唐經籍志
王弼集五卷藝文志同

嚴氏文編錄存弼戲答荀融書一篇難何晏聖人無喜
怒哀樂論一篇

魏衛尉卿應璩集十卷錄一卷

魏志王粲附傳汝南應瑒瑒弟璩咸以文章顯璩官至侍中

魏志附傳注文章敘錄曰璩字休璩博學好屬文善爲書記文明帝世歷官散騎常侍齊王卽位稍遷侍中大將軍長史曹爽秉政多違法度璩爲詩以諷焉其言雖頗諧合多切時要世共傳之復爲侍中典著作嘉平四年卒追贈衛尉

文選注李充翰林論曰應休璩五言詩百數十篇以風規治道蓋有詩人之旨焉

文選注孫盛晉陽秋曰應璩作五言詩百三十篇言時事頗有補益世多傳之

文選注張方賢楚國先賢傳曰汝南應休璉作百一篇詩譏切時事徧以示在事者咸皆怪愕或以爲應焚棄之何晏獨無怪也

文選注今書七志曰應璩集謂之新詩以百言爲一篇或謂之百一詩然以字名詩義無所取據百一詩序云時謂曹爽曰公今聞周公巍巍之稱安知百慮有一失乎百一之名蓋興於此也

鍾嶸詩品曰魏侍中應璩詩祖襲魏文善爲古語指事殷勤雅意深篤得詩人激刺之旨

文心雕龍明詩篇曰若乃應璩百一獨立不懼辭譎義貞亦魏之遺直也又才略篇云休璉風情則百一標其

志

隋書經籍志魏衛尉卿應璩集十卷梁有錄一卷又總集篇梁又有應貞注應璩百一詩八卷亡唐經籍志總集類百一詩八卷應璩撰藝文志總集類應璩百一詩八卷

張氏百三家應休璉集輯本一卷凡牋書詩四十餘篇嚴氏文編錄存牋四篇書二十九篇馮氏詩紀存詩七百一首

按百一詩隋唐志編入總集者以應貞注本故也兩唐志不著應貞注字疏矣通志藝文略詩總集類云百一詩八卷應璩集以爲璩集他人詩攷選注引七

志云應璩集謂之新詩則是詩已編入本集後其子
貞爲之注析爲八卷別行豈鄭漁仲以應璩集讀爲
句而誤會譔集之集耶貞字吉甫入晉官散騎常侍
泰始五年卒

應璩集十卷

唐書經籍志應璩集十卷藝文志同

馮惟訥詩紀曰唐藝文志有應璩集十卷初學記有璩
雜詩云貧子語窮兒無錢可把撮耕自不得粟采彼北
山葛簞瓢恆自在無用相呵喝

張溥應休璩集輯本遺句云有酒流如川有肴積如岑
此二句一作應璩侍公宴詩

嚴可均全三國文編曰應瑗仕履未詳有集十卷文選
七命注引瑗與桓元則書曰敢不策勵敬尋後塵

按隋志無應瑗集兩唐志無應璩集證以通志略似
唐志之應瑗集十卷卽隋志應璩集十卷嚴氏所見
應瑗與桓元則書汪師韓文選理學權輿作應璩并
疑馮氏張氏所見引應瑗詩者亦卽應璩之譌或應
璩集中有應瑗詩文亦未可知今無稿證姑兩存之
魏光祿大夫韋誕集三卷錄一卷 誕始末具子部藝術類

魏志劉邵附傳邵同時光祿大夫京兆韋誕亦著文賦
傳於世

世說巧藝篇注文章敘錄曰誕有文學善屬辭衛恆四

體書勢曰誕善楷書魏宮觀多誕所題明帝立凌霄觀
誤先釘榜乃龍盛誕轆轤長絙引上使就題之去地二
十五丈誕甚危懼乃戒子孫絕此楷法箸之家令

隋書經籍志梁又有光祿大夫韋誕集三卷錄一卷亡
唐經籍志韋誕集三卷藝文志同

嚴氏文編錄存賦奏駁頌諫及墨方筆方凡八篇

魏太常夏侯玄集三卷

玄始末具子部道家

本傳注魏氏春秋曰玄嘗著樂毅張良及本無肉刑論
辭旨通遠咸傳於世

隋書經籍志魏太常夏侯玄集三卷唐經籍志夏侯玄
集二卷藝文志同

嚴氏文編錄存皇胤賦時事議答司馬宣王書肉刑論
答李勝難肉刑論樂毅論凡辨樂論凡七篇繫以夏侯
子佚文三條

魏樂安太守夏侯惠集二卷錄一卷

魏志夏侯淵傳淵字妙才沛國譙人建安二十四年戰
死漢中黃初中賜淵中子霸太和中賜霸四弟爵皆關
內侯霸弟威威弟惠樂安太守文章敘錄曰惠字稚權
幼以才學見稱善屬奏議歷散騎黃門侍郎與鍾毓數
有辨駁事多見從遷燕相樂安太守年三十七卒

隋書經籍志梁又有樂安太守夏侯惠集二卷錄一卷
亡唐經籍志夏侯惠集二卷藝文志同

嚴氏文編錄存景福殿賦薦劉邵表各一篇

魏汝南太守程曉集二卷錄一卷

曉始末具史部傳記類

魏志程昱附傳注曉別傳曰曉大著文章多亡失今之存者不能十分之一

文心雕龍議對篇若乃程曉之駁校事事實允當可謂達議體矣

隋書經籍志魏汝南太守程曉集二卷梁錄一卷唐經籍志程曉集二卷藝文志同

嚴氏文編錄存請罷校事官疏與傅玄書女典篇凡三篇馮氏詩紀錄存贈傅休奕詩嘲熱客詩凡三首

魏樂安太守劉修集六篇

魏志陳思王傳注典略曰臨菑侯植與楊修書曰劉季緒才不逮於作者而好詆訶文章倚撫利病擊虞文章志曰劉季緒名修劉表子官至東安太守著詩賦頌六

篇

按魏無東安郡文選楊德祖答臨菑侯箋注引魏志作樂安太守今從之

按范書劉表傳表二子琦琮琦出代黃祖爲江夏太守操敗於赤壁劉備表琦爲荊州刺史明年卒魏志劉表傳琮舉州降太祖以爲青州刺史封列侯注引魏武故事令曰青州刺史琮比有賤求還州今聽所執表琮爲諫議大夫參同軍事表二子始末如此文章志言修爲劉表子或表之眾子史略之歟修卒時無可攷今姑列於齊王末年

又按鍾會爲其母傳齊王嘉平初有中書令劉

表豈此劉表乎然
時代殊不相及

魏武章太守殷襄集二卷

宋郭茂倩樂府詩集殷氏世傳曰殷襄爲滎陽令廣築
學館會集朋徒民知禮讓乃歌之曰滎陽令有異政修
立學校人易性令我子弟恥訟爭

隋書經籍志魏章武太守殷襄集一卷梁二卷唐經籍
志殷襄集二卷藝文志同

嚴氏文編曰殷襄字元祚爲章武太守有集二卷藝文
類聚五十三有殷襄薦朱儉表又二十三有誠子書

魏太常卿傅嘏集二卷錄一卷

本傳嘏字蘭石北地泥陽人傅介子之後也弱冠知名

司空陳羣辟爲掾正始初除尚書郎遷黃門侍郎免官
起家拜滎陽太守不行太傅司馬宣王請爲從事中郎
曹爽誅爲河南尹遷尚書正元二年春卅七儉文欽作
亂嘏及王肅勸司馬景王自行以嘏守尚書僕射俱東
以功進封陽鄉侯是歲薨時年四十七追贈太常諡曰
元侯

隋書經籍志梁又有太常卿傅嘏集二卷錄一卷唐經
籍志傅嘏集二卷藝文志同

嚴氏文編錄存對詔訪征吳三計請立貴嬪爲皇后表
諸葛恪揚聲欲向青徐表難劉邵考課法皇初頌凡五
篇

魏鎮東將軍卬儉集二卷錄一卷 儉始末具史部傳記類

隋書經籍志梁有卬儉集二卷錄一卷亡唐經籍志

卬儉集二卷藝文志同

嚴氏文編錄存賦表疏上言書銘凡九篇馮氏詩紀錄
存答杜摯詩一篇

魏征東軍司馬江奉集二卷

隋書經籍志梁有征東軍司馬江奉集二卷亡唐經籍

志江奉集二卷藝文志同

按江奉始末未詳

魏衛將軍王肅集五卷錄一卷 肅始末具經部易類

魏志王朗附傳其所論駁朝廷典制郊祀宗廟喪紀輕

重凡百餘篇

隋書經籍志魏衛將軍王肅集五卷梁有錄一卷唐經籍志王肅集五卷藝文志同

嚴氏文編輯本一卷凡賦表疏議答難答問教書序頌賀正儀納徵辭家誡綜三十五篇

魏司空王昶集五卷錄一卷 昶始末具史部職官類

本傳嘉平初太傅司馬宣王既誅曹爽乃奏博問大臣得失利陳治略五事其一欲崇道篤學抑絕浮華使國子入太學而修庠序其二欲用考試考試猶準繩也未有舍準繩而意正曲直廢黜陟而空論能否也其三欲令居官者久於其職有治績則就增位賜爵其四欲約

官實祿勳以廉恥不使與百姓爭利其五欲絕侈靡務

崇節儉令衣服有章上下有敘儲穀蓄帛反民於樸

按

有治論二十餘篇見子部儒家類中此

治略一篇嘉平初所奏當編入本集

隋書經籍志魏司空王昶集五卷梁有錄一卷唐經籍

志王昶集五卷藝文志同

嚴氏文編錄存表疏奏牋檄械論凡九篇

魏校書郎杜摯集二卷

魏志劉邵附傳邵同時郎中令河東杜摯等亦著文賦
頗傳於世文章敘錄曰摯字德魯初上笏賦署司徒軍

謀吏後舉孝廉除郎中轉補校書摯與母止儉鄉里相

親故爲詩與儉求仙人藥一九欲以感切儉求助也摯

竟不得遷卒於祕書

隋書經籍志魏校書郎杜摯集二卷唐經籍志杜摯集一卷藝文志二卷

嚴氏文編錄存笏賦一篇馮氏詩紀錄存贈母止儉詩一篇

魏陳郡太守孫該集二卷錄一卷

魏志劉邵附傳邵同時陳郡太守任城孫該著文賦傳於世文章敘錄曰該字公達疆志好學年二十上計掾召爲郎中著魏書遷博士司徒右長史復還入著作景元二年卒官

隋書經籍志梁有陳郡太守孫該集二卷錄一卷亡唐

經籍志孫該集二卷藝文志同

段氏文編錄存三公山下神祠賦琵琶賦各一篇

魏車騎將軍鍾毓集五卷錄一卷毓始末具經部易類

隋書經籍志梁有車騎將軍鍾毓集五卷錄一卷亡唐
經籍志鍾毓集五卷藝文志同

嚴氏文編錄存賦疏奏書凡四篇

魏中散大夫嵇康集十五卷錄一卷康始末具經部易類

魏志王粲附傳注魏氏春秋曰康所著諸文論六七萬
言皆爲世所玩詠

晉書本傳康有奇才遠邁不羣著養生論又爲君子無
私論蓋其胸懷所寄以高契難期每思郢質山濤將去

選官舉康自代康乃與濤書告絕東平呂安以事繫獄
辭相證引遂復收康康性慎言行一旦縲繼乃作幽憤
詩康善談理又能屬文撰上古以來高士爲之傳贊又
作太師箴亦足以明帝王之道焉復作聲無哀樂論甚
有條理又魏志郝原傳注引荀綽冀州記曰鉅鹿張邈
字叔遼遼東太守著自然好學論在嵇康集
注師韓文選理學權輿曰選注
所引羣書有嵇康文集錄注

鍾磔詩品曰晉中散嵇康詩頗似魏文過爲峻切訐直
露才傷淵雅之致然託喻清遠良有鑒裁亦未失高流
矣

文心雕龍明詩篇曰嵇志清峻又曰四言五言叔夜含
其潤才略篇云嵇康師心以遺論書記篇云嵇康絕交

實志高而文偉

隋書經籍志魏中散大夫嵇康集十三卷梁十五卷錄一卷唐經籍志嵇康集十五卷藝文志同崇文總目嵇康集十卷宋史藝文志同

晁氏讀書志曰嵇康集十卷康美詞氣有丰儀土木形骸不自藻飾學不師受博覽該通長好莊老屬文元遠景元初鍾會譖於晉文帝遇害

陳氏書錄解題曰嵇中散集十卷魏中散大夫譙嵇康叔夜撰所著文論六七萬言今存於世者僅如此唐志猶有十五卷

四庫簡明日錄曰嵇中散集十卷魏嵇康撰晉書爲康

立傳舊本因題曰晉者繆也其集散佚至宋僅存十卷
此本爲明黃省曾所編雖卷數與宋本同然考王楙野
客叢書稱康詩六十八首此本僅詩四十二首合雜文
僅六十二首則又多所散佚矣

張氏百三家稿中散集輯本一卷凡賦書設難論贊箴
誠二十二篇樂府詩五十四篇

嚴氏文編輯本六卷凡賦卜疑書贊論箴銘家誠目錄
二十一篇繫以聖賢高士傳贊一卷馮氏詩紀存詩五
十三篇嚴氏文編又云康有稽荀錄亡稽荀錄未詳何書

魏徵士呂安集二卷錄一卷

魏志王粲附傳注魏氏春秋曰初康與東平呂昭子巽

及巽弟女視善會巽淫安妻徐氏

其事亦見嵇康集康與呂長悌絕交書中

長悌巽字也

而誣安不孝囚之安引康爲證康義不負心保

明其事安亦至烈有濟世志力鍾會勸大將軍因此除之遂殺安及康

魏志杜恕傳注世語曰昭長子巽字長悌爲相國掾有寵於司馬文王次子安字仲悌與嵇康善與康俱被誅晉書嵇康傳東平呂安服康高致每一相思輒千里命駕康友而善之後安爲兄所枉訴以事繫獄辭相證引遂復收康

隋書經籍志梁又有魏徵士呂安集二卷錄一卷亡唐

經籍志呂安集二卷藝文志同

嚴氏文編曰呂安字仲悌東平人徵士景元中坐事與嵇康俱誅有集二卷初學記藝文類聚文選注引安闕體賦凡二條

魏步兵校尉阮籍集十三卷錄一卷

籍始末具經部易類

晉書本傳籍能屬文初不留思作詠懷詩八十餘篇爲世所重著達莊論敘無爲之貴文多不錄

宋顏延年注詠懷詩序曰阮公身事亂朝常恐遇禍因茲詠懷雖志在譏刺而文多隱避百代之下難以情測故難明大意略其幽旨也

鍾嶸詩品曰晉步兵阮籍詩其源出於小雅無雕蟲之功而詠懷之作可以陶性靈發幽思言在耳目之內情

奇人荒之表洋洋乎會於風雅使人忘其鄙近自致遠
大頗多感慨之詞厥旨淵放歸趣難求顏延之注解怯
言其志

文心雕龍明詩篇曰嵇志清峻阮旨遙深又才略篇云
阮籍使氣以命詩

隋書經籍志魏步兵校尉阮籍集十卷梁十三卷錄一

卷日本國見在書目阮嗣宗集五卷又阮步兵集十卷

唐經籍志阮籍集五卷藝文志同崇文總目阮步兵集

十卷宋史藝文志阮林集十卷

按林是籍
之刊誤

晁氏讀書志曰阮籍集十卷籍志氣宏放博覽羣籍尤

好莊老屬文不留思嗜酒能嘯善彈琴當其得意忽忘

形體雖不拘禮數而發言玄遠

陳氏書錄解題別集類阮步兵集十卷魏步兵校尉陳留阮籍嗣宗撰籍瑀之子也又詩集類阮步兵集四卷其題皆曰詠懷首卷四言十三篇餘皆五言八十篇通爲九十三篇文選所收十七篇而已

馮惟訥詩紀曰京師曹氏家藏阮步兵詩一卷唐人所書與世所傳多異孔宗翰亦有本與此多同

張氏百三家阮步兵集輯本一卷凡賦牋奏記書論傳贊誄文帖二十篇詠懷詩三首又八十二首歌二首

按此詩紀所輯詩歌八十七首與此同

嚴氏文編序目曰阮籍集十卷昭黃省曾刻本又一卷

張溥百三家集本今輯本二卷凡賦箋奏記書贊論傳

帖誄弔綜二十篇

魏司徒鍾會集十卷錄一卷

會始末具經部易類

本傳初以鄧艾爲太尉會爲司徒皆持節都督諸軍如故咸未受命而斃

文心雕龍檄移篇鍾會檄蜀徵驗甚明壯筆也

隋書經籍志魏司徒鍾會集九卷梁十卷錄一卷唐經籍志鍾會集十卷藝文志同

張氏百三家鍾司徒集輯本一卷凡賦檄奏書記傳十一篇繫以芻蕘論一條

嚴氏文編錄存賦上言書檄論傳凡十三篇繫以芻蕘

論七條

右魏人文凡四十九家五十三部

蜀司徒許靖集二卷錄一卷

本傳靖字文休汝南平輿人少與從弟劭俱知名並有
人倫臧否之稱邵舉計吏察孝廉除尚書郎典選舉董
卓秉政靖奔瑒州揚州吳郡會稽孫策東渡江走交州
後劉璋使使招靖人蜀以爲巴郡廣漢太守建安十六
年轉蜀郡十九年先主克蜀以爲左將軍長史先主爲
漢中王靖爲太傅及即尊號策爲司徒靖年逾七十愛
樂人物誘納後進清譚不倦丞相諸葛亮皆爲之拜章
武二年卒

隋書經籍志梁又有蜀司徒許靖集二卷錄一卷亡唐
經籍志蜀許靖集二卷藝文志同

嚴氏文編錄存奔孔佃自表因眾瑞上言與曹公書凡
三篇

蜀丞相諸葛亮集二十五卷

亮始末具史部正史類

本傳亮言教書奏多可觀別為一集又奏上諸葛氏集
曰臣壽等言臣前任著作郎侍中領中書監濟北侯臣
荀勗中書令關內侯臣和嶠奏使臣定故蜀丞相諸葛
亮故事軌跡除復重隨類相從凡為二十四篇皆所作
牧第一權制第二南征第三北出第四計算第五訓厲
第六綜覈上下第七第八雜言上下第九第十貴和第十

十一兵要第十二傳運第十三與孫權書第十四與諸葛瑾書第十五與孟達書第十六廢李平第十七法檢上下第十八十九科令上下第二十二二十一軍令上中下第二十二二十三二十四凡十萬四千一百一十二字論者或怪亮文采不豔而過於丁寧周至臣愚以爲舉繇大賢也周公聖人也考之尙書舉繇之謨略而雅周公之誥煩而悉何則舉繇與舜禹共談周公與羣下矢誓故也亮所與言盡眾人凡士故其文指不得及遠也然其聲教遺言皆經事綜物公誠之心形於文墨足以知其人之意理而有補於當世

文心雕龍詔策篇諸葛孔明之詳約教之善也又章表

篇云孔明之辭後主志盡文暢表之英也

隋書經籍志蜀丞相諸葛亮集二十五卷梁二十四卷
唐經籍志諸葛亮集二十四卷藝文志同宋史藝文志
諸葛亮集十四卷

玉海五十五中興書目曰亮集十四卷後二卷錄傳及
碑記其前十二篇章句頗多字數乃少

張氏百三家諸葛丞相集輯本一卷凡詔表奏疏公文
教書牋議法論記碑令詩綜七十五首

武威張澍輯本序曰明王士禛集武侯全書二十卷楊
時偉以王書蕪累更撰諸葛忠武全書十卷亦無財擇
本朝朱璘輯諸葛武侯集二十卷遂寧張鵬翮之忠武

誌全襲之庸俗詩文盈汗篇牘侯之著作反多遺漏樹
按采散佚較諸本增益倍蓰編文集四卷附錄二卷別
撰諸葛故事五卷都爲十一卷

按諸葛集張氏所舉四本之外又有明崇禎時

武侯三十六世孫義輯本二十一卷道藏輯要中刻之

嚴氏文編輯本二卷凡教軍令表疏上書上言公文箋
書誠論議算計兵要兵法木牛流馬法記序贊銘雜文
五十五篇綜九十一首

蜀征北將軍夏侯霸集二卷

魏志夏侯淵附傳黃初中賜淵中子霸爵關內侯正始
中爲討蜀護軍右將軍進封博昌亭侯素爲曹爽所厚
聞爽誅白疑亡入蜀以淵舊勳赦霸子徙樂浪郡魏略

曰霸字仲權奔蜀南越陰平失道糧盡足破臥鼓石下蜀聞之乃使人迎霸初建安五年時霸從妹年十三四在本郡出行樵采爲張飛所得遂以爲妻產息女爲劉禪皇后故淵之初亡飛髮請而葬之及霸入蜀禪相見釋之曰卿父自遇害於行閒耳非我先人之手刃也指其兒子示之曰此夏侯氏之甥也厚加爵寵

蜀志後主傳延熙十二年春正月魏誅大將軍曹爽等右將軍夏侯霸來降

華陽國志劉後主延熙十二年魏嘉平元年也魏誅大將軍曹爽右將軍夏侯霸來降淵子也拜車騎將軍

隋書經籍志梁又有蜀征北將軍夏侯霸集二卷亡唐

三國志卷之百九
經籍志魏夏侯霸集二卷藝文志同

按夏侯霸爲征北將軍自當在車騎將軍之後尋蜀志未見舊唐志誤以爲魏人新志失於刊正今從七

錄

蜀祕書令卻正集垂百篇

本傳正字令先河南偃師人也祖父儉靈帝末益州刺史爲盜賊所殺父揖留蜀爲孟達營都督隨達降魏爲中書令史正本名纂少以父死母嫁單營隻立而安貧好學博覽墳籍弱冠能屬文入爲祕書吏轉爲令史遷郎至令潛于榮利而尤耽意文章自司馬王楊班傅張蔡之儔遺文篇賦及當世美書善論益部有者則鑽

推求略皆寓目自在內職與宦人黃皓比屋周旋經三
十年不爲皓所愛憎官不過六百石而免於憂患依則
先儒假文見意號曰釋譏其文繼於崔駰達旨景耀六
年後主降於鄧艾其書正所造也明年後主東遷洛陽
賜爵關內侯泰始中除安陽令遷巴西太守咸寧四年
卒凡所著述詩論賦之屬垂百篇

陳壽評曰譙周詞理淵通爲世碩儒有董楊之規卻正
文辭粲爛有張蔡之風加其行止君子有取焉二子處
晉事少在蜀事多故著於篇

隋書經籍志晉巴西太守卻正集一卷唐經籍志晉卻

正集一卷藝文志同

嚴氏文編錄存爲後主作降書姜維論釋譏凡三篇

按史言卻令先著述垂百篇隋唐志著錄乃祇一卷所佚多矣令先卒於晉武帝卽位十四年時爲吳孫皓天紀二年尙在太康渾一之前列入三國之末未嘗不可也

右蜀人文凡四家四部

吳衛將軍士燮集五卷

變始末具經部春秋類

隋書經籍志梁有士燮集五卷亡唐經籍志士燮集五

卷藝文志同

吳偏將軍駱統集十卷錄一卷

本傳統字公緒會稽烏傷人也孫權以將軍領會稽太

守統年二十試爲烏程相召爲功曹行騎都尉妻以從
兄輔女出爲建忠郎將遷偏將軍封新陽亭侯後爲溫
須督數陳便宜前後書數十上所言皆善文多故不悉
載年三十六黃武七年卒

隋書經籍志吳偏將軍駱統集十卷梁有錄一卷唐經
籍志駱統集十卷藝文志同

嚴氏文編曰駱統有集十卷本傳有民戶損耗上疏一
篇張溫傳有表理張溫一篇北堂書鈔未改本有陳諸
將舟船飾嚴篋

吳選曹尚書暨鑿集三卷錄一卷

吳志張溫附傳鑿字子休吳郡人也溫引致之以爲選

曹郎至尚書監性狷厲好爲清議見時郎署混濁滄雜
多非其人欲減否區別賢愚異貫彈射百僚覈選三署
率皆貶高就下降損數等其守故者十未能一其居位
貪鄙志節汗卑者皆以爲軍吏置營府以處之而怨憤
之聲積浸潤之譖行矣競言監及選曹郎徐彪專用私
情憎愛不由公理監彪皆坐自殺

隋書經籍志吳選曹尚書暨監集二卷梁三卷錄一卷
唐經籍志暨監集二卷藝文志同

嚴氏文編曰太平御覽三百四十八引暨監集雜移一

條按雜移雜文移之
屬集中篇目也

吳輔義中郎將張溫集六卷溫始末具史記史鈔類

本傳將軍駱統表理溫曰溫雖智非從橫武非虓虎然其弘雅之素英秀之德文章之采論議之辨卓犖冠羣煒燁曜世人未有及之者也故論溫才即可惜言罪則可恕若忍威烈以赦盛德宥賢才以敦大業固明朝之休光四方之麗觀也權終不納

隋書經籍志吳輔義中郎將張溫集六卷唐經籍志吳張溫集五卷藝文志同

嚴氏文編曰張溫有集六卷本傳有奉使至蜀詣闕拜章一篇文選注類聚御覽有表二條自理一條

後漢侍御史虞翻集三卷錄一卷 補始末具經部易類

隋書經籍志後漢侍御史虞翻集二卷梁三卷錄一卷

唐經籍志後漢虞翻集三卷藝文志吳虞翻集三卷

嚴氏文編曰隋志以翻屬後漢今攷翻卒在權稱尊號之後宜編入吳傳注及御覽諸書引翻上吳主書又奏上易注奏鄭玄解尚書違失事因追與客書與丁固同僚書與徐陵書與士仁書與所親書與某書與弟書又與弟書凡十二篇

按隋志易家稱吳侍御史與此稱後漢者異本傳云漢召爲侍御史不就孫權以爲騎都尉徙交州卒是翻仕吳至騎都尉未嘗爲侍御史然攷釋文敘錄稱後漢侍御史又傳注引會稽典錄孫亮時太守濮陽興與書佐朱育問答興稱翻爲御史育亦稱翻爲侍

御史又韋昭注國語亦稱爲故侍御史此從後追述
之詞類皆以漢所授官爲稱號今仍從隋志題移漢
侍御史其稱吳者非其實也

吳太子少傅辭綜集三卷錄一卷

絲始末具經部禮類

本傳凡所著詩賦難論數萬言名曰私載傳於世建衡
三年皓追歎瑩父綜遺文吳錄曰綜少明經善屬文有
秀才

隋書經籍志梁又有太子少傅辭綜集三卷錄一卷亡
唐經籍志辭綜集二卷藝文志三卷

嚴氏文編錄存表疏文移頌凡十一篇述鄭氏禮五宗
圖一篇

吳侍中胡綜集二卷錄一卷

綜始末具史部雜傳記類

本傳黃武八年夏黃龍見夏口於是權稱尊號因瑞改元又作黃龍大牙常在中軍諸軍進退視其所向命綜作賦蜀聞權踐阼遣使重申前好綜爲盟文文義甚美凡自權統事諸文誥策命鄰國書符略皆綜之所造也隋書經籍志吳侍中胡綜集二卷梁有錄一卷唐經籍志胡綜集二卷藝文志同

嚴氏文編錄存黃龍大牙賦中分天下盟文請立諸王表議奔喪僞爲吳質作降文三條太子賓友目凡六篇

吳太常卿姚信集二卷錄一卷

信始末具經部易類

隋書經籍志梁又有姚信集二卷錄一卷今亡唐經籍

志姚信集十卷藝文志同

武進張惠言易義別錄曰吳興志有德祐文集輯易注一卷明人爲之

嚴氏文編曰信有集二卷陸績傳注引姚信集表請褒績女鬱生晉宋隋書天文志及御覽引姚信听天論藝文類聚二十三引姚信誠子

吳武陵太守謝承集四卷

承始末具史部正史類

隋書經籍志梁又有謝承集四卷今亡唐經籍志謝承集四卷藝文志同

嚴氏文編曰謝承有集四卷初學記藝文類聚太平御覽諸書有謝承賀靈龜表上丹砂表與步子山書三夫

人箴凡四篇

吳人楊厚集二卷錄一卷

隋書經籍志吳人楊厚集二卷梁又有錄一卷唐經籍志楊厚集二卷

通志藝文略吳楊文厚集二卷

按唐藝文志列是集於後漢人中自是漢順帝時侍中楊厚之集然隋志明著吳人楊厚又引七錄有錄一卷自非舛誤通志略又以爲楊文厚鄭漁仲所據隋志爲多豈今本隋志改文字歟其人爵里始末並未詳

吳侍中張儼集二卷錄一卷

儼始末具子部雜家

隋書經籍志吳侍中張儼集一卷梁二卷錄一卷唐經籍志張儼集二卷藝文志同

嚴氏文編曰張儼有默記三卷集一卷朱桓傳注引張儼賦犬藝文類聚文選注引張儼請立太子師傳表諸葛亮傳注北堂書鈔引默記各一篇

丞相陸凱集五卷錄一卷

凱始末具史部雜傳記類

本傳凱乃心公家義形於色表疏皆指事不飾忠懇內發又曰子連從荆揚來者得凱所陳皓二十事博問吳人多云不聞凱有此表又按其文殊甚切直恐非皓之所能容忍也或以爲凱藏之篋笥未敢宣行病困皓遣董朝省問欲言因以付之虛實難明故不著於篇然愛

其指適睦事足爲後戒故鈔列於凱傳左云

隋書經籍志吳丞相陸凱集五卷梁有錄一卷唐藝文

志陸凱集五卷

唐藝文志別本作陸凱刊誤也

嚴氏文編錄存表疏奏凡八篇繫以吳先賢傳贊三條

吳侍中韋昭集二卷錄一卷

昭始末具經部詩類

本傳華覈連上疏救曜曰曜自少勤學雖老不倦探綜墳典温故知新及意所經識古今行事外吏之中少過曜者又華覈傳云曜歿所論事章疏咸傳於世也

隋書經籍志梁又有韋昭集二卷錄一卷亡唐經籍志韋昭集二卷藝文志同

嚴氏文編錄存雲陽賦上鼓吹鏡歌十二曲表因獄吏

上辭國語解敘博奕論凡五篇馮氏詩紀錄存鼓吹鏡

歌十二曲

吳中夏督陸景集一卷

景始末具子部儒家

陸抗附傳景澡身好學著書數十篇

隋書經籍志梁又有陸景集一卷亡

嚴氏文編曰陸景有集一卷北堂書鈔一百三引陸景書藝文類聚二十一引景與兄書又與兄書類聚二十三御覽四百五十九引景誠盈

吳東觀令華嚴集五卷錄一卷

本傳嚴字永先吳郡武進人也始爲上虞尉典農都尉以文學入爲祕府郎遷中書丞後爲東觀令領右國史

駁前後陳便宜及貢薦良能解釋罪過書百餘上皆有
補益天冊元年以微譴免數歲卒曜覈所論事章疏咸
傳於世又評曰胡沖以爲華覈文賦之才有過於曜而
典詰不及也子觀覈數獻良規期於自盡庶幾忠臣矣
隋書經籍志梁又有東觀令華覈集五卷錄一卷亡唐
經籍志華覈集三卷藝文志五卷

嚴氏文編錄存車賦奏薦陸胤表薦陸禕聞蜀亡詣宮
門上表諫盛夏興工疏上農務禁侈疏乞赦樓玄疏上
疏請召還薛瑩上疏救韋曜奉敕草對凡十一篇

吳中書令紀騭集三卷錄一卷

吳志孫皓傳甘露元年三月皓遣光祿大夫紀陟如魏

報書吳錄曰陟字子上丹陽人初爲中書郎孫休時父

亮爲尚書令而陟爲中書令每朝會詔以屏風隔其坐

出爲豫章太守

按騰陟並通范書鄧騰章按太子注云東觀記作陟是也

隋書經籍志吳中書令紀騰集三卷梁有錄一卷唐經

籍志紀騰集三卷藝文志二卷

嚴氏文編曰紀騰有集三卷太平御覽有上吳主皓表

吳光祿勳薛瑩集三卷

瑩始末具史部正史類

薛綜附傳建衡三年皓追歎瑩父綜遺文且命瑩繼作

瑩獻詩一篇是時法政多謬舉措煩苛瑩每上便宜陳

緩刑簡役以濟育百姓事或施行

隋書經籍志晉散騎常侍薛瑩集三卷唐經籍志晉薛

瑩集二卷藝文志吳辭瑩集三卷

嚴氏文編錄存爲吳主皓請降書後漢光武明帝章帝安帝桓帝靈帝贊條列吳事凡八篇馮氏詩紀錄存獻四言詩一篇

吳尚書閔鴻集三卷

隋書經籍志晉徵士閔鴻集三卷唐經籍志晉徵士閔鴻集二卷藝文志同

嚴氏文編曰吳閔鴻廣陵人仕吳爲尚書入晉徵不就
有集三卷初學記諸書引鴻親鸞賦琴賦羽扇賦芙蓉賦與劉子雅書凡五篇

按藝文類聚八十二引芙蓉賦稱後漢閔鴻者非也

吳處士楊泉集二卷錄一卷

泉始末具子部儒家

隋書經籍志首處士楊泉集二卷錄一卷唐經籍志首
楊泉集二卷藝文志同

嚴氏文編曰吳楊泉有集二卷書鈔類聚御覽文選注
所載有五湖賦贊善賦養性賦蠶賦織機賦草書賦請
辭凡七篇

右吳人文凡一十九家一十九部

右別集類凡七十二家七十六部

魏文帝建安七子集

魏志王粲附傳注典論曰今之文人魯國孔融廣陵陳
琳山陽王粲北海徐幹陳留阮瑀汝南應瑒東平劉楨
斯七子者於學無所遺於辭無所假咸自以騁騁驥於

千里仰齊足而並馳繁長於辭賦幹時有逸氣然非繁

匹也

文選逸氣非齊氣無非字

如繁之初征登樓槐賦征思幹之玄

援漏卮以扇橘賦雖張蔡不過也然於他文未能稱是
琳瑯之章表書記今之儻也應瑒和而不壯劉楨壯而
不密孔融體氣高妙有過人者然不能持論理不勝辭
至於雜以嘲戲及其所善楊班之儔也

又魏略曰建安二十二年太子又與元城令吳質書曰

昔年疾疫親故多離其災徐陳應劉一時俱逝痛何可

言耶

按後漢書獻帝本紀建安二十二年是歲大疫諸漢五行志注云陳思王說疫氣云家家有殍尸之

痛至卒有流泣之哀或問昔日游處行則同輿止則接

席何嘗須臾相失每至觴酌流竹並奏酒酣耳熱

仰而賦詩當此之時忽然不自知樂也謂百年已分長
其相保何圖數年之間零落略盡言之傷心頃撰其遺
文都爲一集觀其姓名已爲鬼錄追思昔游猶在心目
而此諸子化爲冀壤可勝道哉觀古今文人類不獲細
行鮮能以名節自立而偉長獨懷文抱質恬寡微有
箕山之志可謂彬彬君子矣著中論二十餘篇成一家
之業辭義典雅足傳於後此子爲不朽矣德璉常慕然
有述作意才學足以著書美志不遂良可痛惜開歷觀
諸子之文對之技淚旣痛逝者行自念也孔璋章表殊
健微爲繁富公幹有逸氣但未道耳至其五言詩妙絕
當時元瑜書記翩翩致足樂也仲宣獨自善於辭賦惜

其體弱不足起其文至於所善古人無以遠過也諸子
但爲求及古人自一時之僥也

文心雕龍明詩篇曰建安之初五言曠踊文帝陳思繼
轡以騁節王徐應劉望路而爭驅並憐風月狎池苑述
恩榮敘酣宴慷慨以任氣滂落以使才造懷指事不求
纖密之巧驅辭逐貌唯取昭晰之能此其所同也

元郝經續後漢書文藝王粲傳議曰初曹丕及弟植皆
好文學與粲及孔融徐幹陳琳阮瑀應瑒劉楨相友善
不植咸有逸才奇氣粲等更酬迭和適章華詠箴勅一
世號稱建安七子一漢質文於是一變儒學盡爲詩文
矣

嚴可均全上古三代秦漢三國六朝文序目曰劉楨王
粲陳琳阮瑀徐幹集各一卷又建安七子集三冊明楊
德明輯本

高貴鄉公夏少康漢高祖優劣論

本紀注魏氏春秋曰甘露元年二月丙辰帝宴羣臣於
太極東堂與侍中荀顛尚書崔贊袁亮鍾毓給事中中
書令虞松等並講述禮典遂言帝王優劣之次帝慕夏
少康因問顛等少康高祖功德誰先顛等對以高祖爲
優帝曰宜高夏康而下漢祖諸卿具論詳之翌日丁巳
講業既畢顛亮等議少康爲優宜如詔旨贊毓松等議
以爲論德則少康優課功則高祖多語資則少康易校

時則高祖難帝曰諸卿論少康因資高祖創造誠有之矣然未知三代之世任德濟勳如彼之難秦項之際任力成功如此之易且太上立德其次立功漢祖功高未若少康盛德之茂也於是羣臣悅服中書令松進曰少康之事去世久遠自古及今議論之士莫有言者德美隱而不宣陛下既垂心遠鑒考詳古昔又發德音贊明少康之美使顯於千載之上宜錄以成篇永垂於後於是侍郎鍾會退論次焉

錢大昕三國志攷異曰按少康之論意常在司馬氏也聰明太露終爲權臣所忌失艱貞自晦之義能處此者其後周武帝乎

嚴氏文編曰太極東堂夏少康漢高祖論見高貴鄉公
紀注引魏氏春秋亦見藝文類聚十二太平御覽八十
二又四百四十五

荀閔等甲乙疑論

嚴可均全三國文編曰荀閔字仲茂潁川潁陰人漢尚
書令彧之兒子爲太子文學掾終黃門侍郎

魏志荀彧傳注荀氏家傳曰彧第四兄湛湛子閔字仲
茂爲太子字學掾時有甲乙疑論閔與鍾繇王朗袁渙
議各不同文帝與繇書曰袁王國士更爲唇齒荀閔勁
悍往來銳師眞君侯之勅敵左右之深憂也終黃門侍

郎

按蜀志費禕傳注引殷基通語曰司馬懿誅曹爽禕
設甲乙論平其是非與此相類然費所論祇一人相
反覆此四人相反覆爲不同耳

應璩書林十卷

璩始末具別集類

魏志高堂隆附傳初任城棧潛太祖世歷縣令裴松之
注潛字彥皇見應璩書林

文心雕龍書記篇曰休璉好事留意詞翰

隋書經籍志書林十卷又曰梁有應璩書林八卷夏赤
松撰唐經籍志書林六卷夏赤松撰藝文志夏赤松書
林六卷通志略文部書類應璩書林八卷夏赤松集

按裴注引應璩書林則書林爲應璩所集審矣蓋集

錄諸家書記之文以爲一編棧彥皇卽其中之一也
隋志書林十卷不著撰人是其原編又引七錄八卷
是夏赤松重編唐時佚其二卷惟存六卷通志略從
隋志鈔入不關存佚

鍾會等四本論

會始末具經部易類

魏志鍾會傳會嘗論才性同異傅嘏傳亦云嘏嘗論才
性同異鍾會集而論之裴松之注傅子曰嘏旣達治好
正而有清理識要如論才性原本精微尠能及之司隸
校尉鍾會年甚少嘏以明知交會

世說賢媛篇注魏氏春秋曰王廣字公淵王陵子也有
風量才學名重當世與傅嘏等論才性同異行於世

世說文學篇注鍾會撰四本論始畢甚欲使嵇公一見
四本者言才性同才性異才性合才性離也尚書傳嘏
論同中書令李豐論異侍郎鍾會論合屯騎校尉王廣
論離嘏始末具別集類李豐字安國嘉平六年爲
司馬師所殺見夏侯玄傳王廣附見王凌傳

鍾會等聖人無情論

魏志鍾會傳注何劭爲王弼傳曰何晏以爲聖人無喜
怒哀樂其論甚精鍾會等述之弼與不同以爲聖人茂
於人者神明也同於人者五情也神明茂故能體沖和
以通無五情同故不能無哀樂以應物然則聖人之情
應物而無累於物者也今以其無累便謂不復應物失
之多矣

按中庸章句喜怒哀樂情也此聖人無喜怒哀樂論
卽聖人無情論也隋志道家云梁有聖人無情六卷
不著撰人似卽此書人抵始於何晏而鍾會等述之
王弼非之其後或亦有所傳益故多至六卷七錄以
出自眾人非一家言故不著撰人

韋昭等博奕論八篇

昭始末具經部詩類

吳志孫和傳和常言當世士人宜講修術學校習射御
以周世務而但交游博奕以妨事業非進取之謂後羣
僚侍宴言及博奕以爲妨事費日而無益於用勞精損
思而終無所成非所以進德修業積累功緒者也且志
士愛日惜力君子慕其大者高山景行恥非其次夫以

天地長久而人居其間有白駒過隙之喻年齒一暮榮華不再凡所患者在於人情所不能絕誠能絕無益之欲以奉德義之塗棄不急之務以修功業之基其於名行豈不善哉夫人情尤不能無嬉娛嬉娛之好亦在於飲宴琴書射御之間何必博弈然後爲歡乃命侍坐者八人各著論以矯之於是中庶子韋曜退而論奏和以示賓客時蔡穎好弈直事在署者頗數焉故以此諷之按孫和傳所載知博弈論有八篇傳所云云似卽韋昭論次之文八篇之敘言歟文選所錄止韋昭一家時闕澤辭綜張純封浦嚴維吾粲顧譚等皆爲和侍從意此數人皆有所作

辭綜二京賦解二卷

綜始末具經部禮類

吳志本傳綜又述二京解傳於世

文心雕龍指瑕篇曰若夫注解爲書所以明正事理然
謬於研求或率意而斷西京賦稱中黃育獲之疇而辭
綜謬注謂之闖尹是不聞執雕虎之人也

隋書經籍志梁有辭綜注張衡二京賦二卷亡唐經籍
志二京賦音二卷辭綜撰藝文志辭綜二京賦音二卷
通志藝文略張衡二京賦二卷辭綜注并音

傳異二京賦注二卷

異始末具史部雜傳記類

隋書經籍志梁有武異注二京賦二卷亡通志藝文略

張衡二京賦二卷傳異注

按隋志引七錄作武巽通志略作傅巽疑武巽音聲之誤姑從通志錄之

三國詔誥十卷

隋書經籍志梁有三國詔誥十卷亡

魏朝雜詔二卷

隋書經籍志魏朝雜詔二卷通志略文類制詔門著錄同

魏武帝露布文九卷

隋書經籍志梁有魏武帝露布文九卷亡通志略文類軍書門著錄同

唐封演聞見記曰露布捷書之別名也自漢以來有其

名所以名露布者謂不封檢而宣布欲四方遠知亦謂之露版魏武奏事云有警急輒露版插羽是也

魏維祖饒讌會詩集

隋書經籍志梁有魏晉宋維祖饒讌會詩集二十一部一百四十三卷亡今略其數

按七錄載魏晉宋三朝是類之詩至二十一部隋志略其部分不知魏朝得幾部幾卷

吳朝士文集十三卷

隋書經籍志吳朝士文集十卷梁十三卷通志略文類總集門吳朝文士集十三卷

按隋志引七錄作朝士文集通志略作文士集各有

所是莫能詳

吳朝文二十四卷

隋書經籍志梁有吳朝文二十四卷亡

右自三國詔誥以下六家前史皆不著編輯人姓名大都魏吳兩晉人所集既不得其主名自當以所錄魏吳人文爲斷并附著於是類之末

右總集類凡一十四家一十五部

附錄佛經道書

僧祇戒本一卷

見竺道祖魏世錄本闕別錄云曹魏天竺沙門曇柯迦羅譯第一譯凡此所注皆開

元釋教錄
下並同

梁沙門慧皎高僧傳曇柯迦羅此云法時本中天竺人

家世大富常修梵福迦羅幼而才悟質像過人詩書一
覽皆文義通暢善學四韋陀論風雲星宿圖讖連變莫
不該綜自言天下文理畢已心腹至年二十五入一僧
房看遇見法勝毗曇聊取覽之茫然不解於是請一比
丘略爲解釋遂深悟因果妙達三世始知佛教宏曠俗
書所不能及乃棄捨世榮出家精苦誦大小乘經及諸
部毗尼常貴游化不樂專守以魏嘉平中來至雒陽於
時魏境雖有佛法而道風譌替亦有眾僧未稟歸戒止
以翦落殊俗耳設復齋懺事法祠祀迦羅既至大行佛
法時諸僧共請迦羅譯出戒律迦羅以律部曲制按曲制似
典制典制文言繁廣佛教未昌必不承用乃譯出僧祇戒心

止備朝夕更請梵僧立羯磨法中夏戒律始自乎此迦
羅後不知所終

唐沙門智昇開元釋教錄曰沙門曇柯迦羅魏云法時
中印度人以文帝黃初三年壬寅來至洛陽遂以齊王
芳嘉平二年庚午於洛陽白馬寺出僧祇戒心且備朝
夕於是更集梵僧立羯磨受戒東夏戒律始自乎此

隋書經籍志曰魏黃初中中國人始依佛戒剃髮爲僧
郁伽長者所問經一卷

或二卷第三譯一名郁伽羅越問菩薩行經嘉平四年出見竺道祖魏錄

今編入寶積卽第十九會是別錄云齊魏三藏康僧鎧譯

無量壽經二卷

第四譯見竺道祖晉世雜錄及寶唱錄與世高出者小異又與寶積無量壽會等同本

四分雜羯磨一卷

題云曇無德律部雜羯磨以結戒場爲首新附以上三部四卷其本並在

慧皎高僧傳又有外國沙門康僧鎧者亦以嘉平之末
來至雒陽譯者郁迦長者等四部經

智昇開元釋教錄曰沙門康僧鎧印度人也廣學羣經
義暢幽旨以嘉平四年壬申於洛陽白馬寺譯郁迦長
者經等三部高僧傳云譯四部不具顯名竺道祖魏晉
錄僧祐寶唱梁代錄等及長房道宣靖邁三三錄並云
二部餘二部既不顯名校閱未見今更得一部按即四

唐法新附餘欠一經檢亦未獲

曇無德羯磨一卷題云羯磨一卷出曇無德律以結大界爲
首見竺道祖魏錄其本見在別錄云曹
魏安息沙門曇
諦譯或二卷

慧皎高僧傳又有安息國沙門曇帝亦善律學以魏正

元之中來游維陽譯出曇無德羯磨

智昇開元釋教錄曰沙門曇無諦亦云曇諦魏云法實

安息國人善學律藏妙達幽微以高貴鄉公正元元年

甲戌屆於洛汭於白馬寺譯曇無德羯磨一部

無量清淨平等覺經二卷

與漢世支謙等所出及寶積無量壽會並本同文異見竺道祖晉世

雜錄及僧祐錄魏西域三藏目

別錄云曹延譯第五譯

又須賴經一卷

一本無又字祐錄作又見竺道祖及僧祐錄別錄云第一譯

菩薩修行經一卷

一名長者威施所問菩薩修行經一名長者修行經見始興寶唱二錄別錄云第

二

除災患經一卷

與除惡災患經同本見僧祐錄別錄云第一譯

首楞嚴經二卷

與漢世支謙等所出本同文異見竺道祖晉世雜錄及僧祐錄別錄云第五譯右五

部七卷其
本並闕

慧皎高僧傳又有沙門帛延不知何許人亦才明有深
解以魏甘露中譯出無量清淨平等覺經等凡六部經
後不知所終

智昇開元釋教錄曰沙門白延西域人也才明蓋世深
解踰倫以高貴鄉公甘露三年戊寅游化洛陽止白馬
寺出無量清淨等經五部長房等錄又有平等覺經一
卷亦云白延所出今以此經卽是無量清淨平等覺經
但名有廣略故不復存也

羅摩伽經三卷

見竺道祖寶唱法
入法界品少分

別錄云曹魏西域三藏安

法賢譯
第一譯

大般涅槃經二卷

略大本前數品爲此二卷見竺道祖魏錄別錄云第二譯右二部五卷其本並

關

智昇開元釋教錄曰沙門安法賢西域人藝業克深慧解尤峻振錫游邦自遠而至譯羅摩伽等經二部羣錄並云魏世不辨何帝之年今依編於魏末

右魏 開元釋教錄曰魏自文帝黃初元年庚子至元帝咸熙二年乙酉凡經五帝四十六年沙門五人

所出經戒羯磨總一十二部合一十八卷於中四部

五卷見在八部一十三卷闕本

唐釋道世法苑珠林傳記翻譯部云前魏

朝傳譯僧六人所出經律等一十三部二十四卷蓋據唐釋道宣大唐內典錄所載之數其本末只故但從開元錄錄之道宣所敘不及智昇其第十卷言之詳矣

法句經二卷

初出亦云法句集尊者法救撰與律炎支謙共出見僧祐錄吳錄云五卷未詳別錄云吳沙

門維祇難等譯第

二譯二譯一闕

阿差末菩薩經四卷

初出與西晉法護阿差末及無盡意經等並同本見吳別二錄

慧皎高僧傳維祇難木天竺人也世奉異道以火祀爲

上既而觀沙門神力勝已卽於佛法大生信樂乃捨本

所事出家爲道依此沙門以爲和尙受學三藏妙善四

含

按四含者法苑珠林翻譯部引道安翻四含果云四姓出家同一釋種四姓者一刹帝利此是王種二婆

羅門是高行人三名毘舍如此土民四名首陀最爲卑下如此土阜隸 游化諸國莫不皆

奉以吳黃武三年與同伴竺律炎來至武昌齋曇鉢經

梵本曇鉢者卽法句經也時吳士共請出經難旣未善

國語乃共其伴律炎譯爲漢文炎亦未善漢言頗有不

盡志存義本辭近樸質至晉惠之末有沙門法立更譯
爲五卷

智昇開元釋教錄曰沙門維祇難吳云障礙本印度人
與同伴竺律炎發自西域因到江左以孫權黃武三年
甲辰於武昌郡共竺律炎出阿差末等經二部而祇難
及炎既未善方音翻梵之際頗有不盡

摩登伽經三卷

見法上錄與支謙共出與舍頭謙經等同本
或一卷四譯別錄云吳天竺沙門竺律炎

共支謙譯或
二卷第三譯

三摩竭經一卷

見始興錄與分想檀王經同本異出一名須
摩提女經一名難國王經一名恕想檀王經

別錄云一名恕和檀
王經第一譯兩譯一闕

佛醫經一卷

與支謙共出非是全典從大經略出或云佛醫
王經只實唱錄別錄云吳竺律炎共支越譯

本

梵志經一卷

見始興錄右四部前三部
五卷見王後一部一卷闕本

智昇開元釋教錄曰沙門竺律炎印度人也解行清厲

內外博通與維祇難同游吳境維祇卒後以孫權黃龍

二年庚戌於揚都譯摩登伽等經四部其名羣錄不同

或云將炎或云持炎或云律炎未詳孰是

大明度無極經四卷

或六卷亦直云大明度經與道行小品
等同本見竺道祖魏吳錄及僧祐等錄

別錄云月支優婆塞
支謙譯第二譯

阿彌陀經二卷

內題云佛說諸佛阿彌陀三耶三佛薩樓佛
檀過度人道經亦名無量壽見竺道祖僧祐

二錄與世高等譯小
異別錄云第三譯

菩薩本業經一卷

亦直名本業經亦名淨行品經是華嚴淨行品異譯見僧祐長房二錄

維摩詰經二卷

維摩詰說不思議法門之稱一名佛法普入道門三昧經或三卷見竺道融僧祐二錄與

漢佛調等譯少異

別錄云第二譯

慧印三昧經一卷

亦直云慧行經一名寶田慧印三昧經與如來智印經同本見道祖僧祐二錄別

錄云第一譯

一譯

九色鹿經一卷

出六度集異譯見法上錄別錄云出六度經第六卷精進度中

老女人經一卷

安公云出阿毘曇吳錄直云老女經或云老母經見僧祐錄別錄云第一譯

寶子經一卷

見法上錄與孔光佛經等同本別錄云第一譯

貝多樹下思惟十二因緣經一卷

見長房錄與唐譯緣起聖道釋等同本第三出別

錄云第二譯

了本生死經一卷

安公云出生經祐案五卷生經無此名見僧祐錄與稻程經同本異出別錄云謙

自注解三

譯二陽

龍施女經一卷

初出與龍施菩薩本起經同本祐云別錄所載安錄無別錄云或無女字第二譯

八吉祥神咒經一卷

或無神字或云八吉祥經與八陽神咒經等同本房云見古錄別錄云第一

譯

無量門微密持經一卷

亦直云微密持經一名成道降魔得一切智經與出生無量門持經同本

見僧部二秦錄僧祐別錄云第一譯

華積陀羅尼神咒經一卷

見寶唱錄或無神字與華聚陀羅尼等同本

持句神咒經一卷

見長房錄與陀羅尼鉢經等同本亦云陀羅尼句別錄云第一譯

秋訶三昧經一卷

第二出或云私訶末一名菩薩道樹亦名道樹亦名道樹三昧見道安支敏度僧祐

等三錄祐云此經即是菩薩道樹別錄云第一譯二譯一闕

菩薩生地經一卷

一名差摩竭經見竺道祖吳錄及僧祐別錄云第一譯前後兩譯一本闕

字經一卷

一名字經鈔祐云今字經一卷即此是見僧祐別錄云第二譯前後三譯兩本闕

月明菩薩經一卷

或加三昧字一名月明童子經一名月明童子經見僧祐錄別錄云單譯木

三品弟子經一卷

一名弟子學有三

法律三昧經一卷

亦直云法律經第三出見長房別錄云第一譯二譯一闕

梵志阿威經一卷

一名阿威摩納經安錄直云阿威經亦名佛開解梵志阿威經出長阿含第十三卷

第三分阿摩盡經一卷

別錄云與

梵綱六十二見經一卷

一名梵綱經房云見別錄出長阿含第十四卷異譯別錄云與第三分

梵勸經同本異譯

七知經一卷

或作七智見長房錄出中阿含第一卷別錄云與初善法經同本異譯

釋摩男本經一卷

祐錄無本字一名五陰因事經安錄云出中阿含第二十五異譯見竺道祖吳等及

信祐錄別錄云與

諸法本經一卷

出中阿含第二十八異譯見長房錄別錄云與諸法本經同本異譯

弊魔試目連經一卷一名魔燒亂經房云見舊錄出中阿含第三十卷異譯別錄云與降魔經同本

賴吒和羅經一卷或云羅漢賴吒和羅經與後漢支曜出者少異出中阿含第三十一異譯祐云別錄

所載安錄中無

梵摩喻經一卷或作渝字見道祖僧祐二錄出中阿含第四十一異譯別錄云與梵摩經同本異譯比

於本經此稍略耳

齋經一卷一名持齋經見別錄及僧祐錄出中阿含第五十五異譯別錄云與持齋經同本

須摩提女經一卷出增一阿含第二十二異譯見長房錄別錄云與增一阿含須陀品同本異譯比

於本經此稍文略

不自守意經一卷或無意字或云自守亦不自守經出雜阿含與十二卷異譯見長房錄

五母子經一卷見長房錄與沙彌羅經同本別錄云第一譯

太子瑞應本起經二卷 黃武年譯第四出亦云太子本起瑞應亦直云瑞應本起與孟詳出者小

異陳郡謝翦吳郡張詵等筆受魏河東王植詳定見始興僧祐二錄 按河東王植似東阿王植之譌

龍王兄弟經一卷 一名難龍王經或無王字一名降龍王經見長房錄 別錄云第一譯兩譯一闕

長者音悅經一卷 一云長者音悅不蘭迦葉經亦直云音悅經見長房錄 別錄云第一譯二譯一闕

七女經一卷 亦云七女本經安公云出阿毘曇見僧祐別錄作七如經第一譯三譯二闕

八師經一卷 見竺道祖吳錄及僧祐錄別錄云第一譯三譯二闕

萍沙王五願經一卷 或作萍字一名弗沙迦王經見長房錄安公云出中阿含檢無 別錄云第一

譯三闕

義足經二卷 見竺道祖吳錄及僧祐寶唱二錄有別錄云第一譯二譯一闕

須摩提長者經一卷 一名會諸佛前亦名如來所說示現眾生見長房錄

阿難四事經一卷 見僧祐錄及別錄

未生怨經一卷

見長房錄

四願經一卷

見竺道祖吳錄及僧祐錄

黑氏梵志經一卷

房云見別錄

獬狗經一卷

見長房錄

孫多耶致經一卷

或云梵志孫多耶致經見長房錄安公云出中阿舍檢無

戒銷災經一卷

亦云戒銷伏災經見舊錄別錄云或名戒伏銷災經單本

撰集百緣經十卷

見內典錄別錄云單本

菩薩本緣經三卷

亦云菩薩本緣集經或二卷或四卷天竺沙門僧迦斯那撰見長房錄別錄云單本

惟日雜難經一卷

見長房錄別錄云單本以上見存以下闕下

摩訶般若波羅蜜咒經一卷

或無摩訶字見寶唱錄

法鏡經二卷 或一卷祐云見別錄安錄中無又長房等錄更有郁伽長者經二卷亦云謙譯即是此經不合

重載 別錄 云第二譯

阿闍世王女阿術達菩薩經一卷 見長房錄 別錄云第一譯

阿差末菩薩經四卷 見吳錄與維祗難所譯本 同文異 別錄云第二譯

小阿差末經二卷 見別錄及僧祐錄既加小字與次前經應非同本

大般泥洹經二卷 第三出此略大本序分哀歎品為一卷後三紙小異耳見竺道祖吳錄安公云出長

阿含祐今按長阿含與此異 別錄云謙譯序品哀歎品為二卷第二譯

佛以三車喚經一卷 見長房錄云出法華 應出第二卷譬喻品

不莊校女經一卷 見寶唱錄 別錄云第一譯

須賴經一卷 或云須賴菩薩經第三出與白延等出者同本 見竺道祖吳錄及僧祐錄 別錄云第二譯

菩薩修行經一卷 見寶唱錄 別錄云第一譯

演道俗業經一卷

見舊錄或無業字
別錄云第一譯

方等首楞嚴經二卷

黃武年譯與後漢支謙等出者同本見
竺道祖吳錄安錄中無禘云無方等字

云見別錄 別

錄云第二譯

惟明二十偈經一卷

或無經字見僧祐錄
別錄云第一譯

法滅盡經一卷

或云法沒盡或云空寂菩薩所問
經見長房錄 別錄云第一譯

七佛神咒經一卷

一本無經字
見長房錄

摩訶精進經一卷

亦云大精進
經見長房錄

十二門大方等經一卷

安錄無禘
云見別錄

佛從上所行三十偈經一卷

或無經字
見僧祐錄

四十二章經一卷

與摩騰譯者小異文義允正辭句
可觀見別錄 別錄云第二譯

禪祕要經四卷

或無經字見吳別
錄 別錄云第一譯

堅意經一卷

或云堅心經見長房錄別錄云第二譯

勸進學道經一卷

一本無勸字見長房錄別錄云第一譯

恆水戒經一卷

或無戒字見舊錄別錄云第二譯

七漏經一卷

房云見別錄別錄云安公古典錄中有亦名七漏鈔云出阿舍

悔過法經一卷

或無法字一名序十方禮拜悔過文見僧祐錄

賢者德經一卷

見僧祐錄

梵志結淨經一卷

見長房錄

阿質國王經一卷

見長房錄別錄云祐錄無國字

惟婁王師子灌譬喻經一卷

一本無譬喻字見長房錄

蓮王經一卷

一云目連功德經亦云目連因緣功德經見吳錄

百喻經一卷

見長房錄

五陰事經一卷

見長房錄

魔化作比丘經一卷

見長房錄

優多羅母經一卷

一本無母字見僧祐錄

人民求願經一卷

見長房錄

修行方便經二卷

亦云修行方便禪經見吳錄別錄云單本

法句經二卷

亦云法句集見別錄及僧祐錄別錄云第二

上五十一部六十九卷見在摩訶般若咒若咒下三十七部四十九卷闕本

慧皎高僧傳優婆塞支謙字恭明一名越本月支國人

來遊漢境初漢桓靈之世有支謙譯出眾經有支亮字

紀明資學於讖謙又受業於亮博覽經籍莫不精究世

閒伎藝多所綜習偏學異書通六國語漢獻末亂避地

於吳孫權聞其才慧召見悅之拜爲博士使輔導東宮
與韋曜諸人共盡匡益但生自外域故吳志不載謙以
大教雖行而經多梵文未盡翻譯已妙善方言乃收集
眾本譯爲漢語從吳黃武元年至建興中所出維摩大
般泥洹法句瑞應本起等四十九經曲得聖義辭旨文
雅並行於世

智昇開元釋教錄曰越祖父法度以漢靈帝世率國人
數百歸化拜率善中郎將時越年七歲至十歲學漢書
十三學婆羅門書並得精妙獻帝之末漢室大亂與鄉
人數十共奔於吳吳主孫權問經中深隱之義越應機
釋難無疑不析權大悅甚見寵秩越以經多梵文莫有

解者既善華戎之語乃收集眾本譯爲吳言從權黃武
一年癸卯至亮建興二年癸酉三十餘載譯大明度等
經八十八部後遂隱於穹隆山不交世務從竺法蘭道
人更練五戒凡所游從皆沙門而已後卒於山中春秋
六十吳主孫亮與眾僧書曰支恭明不救所疾其業履
冲素始終可高爲之惻愴不能已已其爲時所惜如此
謙所出經部卷多少諸說不定僧祐三藏記唯載三十
六部祐錄謙傳云出三十七經慧皎高僧傳乃有四十
九經長房錄中便載一百二十九部今以房錄所載鹿
子經等四部大慈無滅經等二十八部或非支謙所出
或從諸經鈔出不合足爲翻譯之數今存實錄故並刪

之

嚴可均全三國文編曰支謙字恭明一名越大月支人
世居中國獻帝末奔吳吳主權以為博士使侍太子登
登卒去隱穹隆山至廢帝釋藏跡字所字號有支謙合

微密持經記法句經序

六度集經八卷

或九卷或云六度無極經或云度無極集或云雜無極經見竺道祖吳錄及僧祐錄別

錄云吳天竺三藏康僧會譯重單合譯

舊雜譬喻經二卷

內典有舊字房錄中無亦云雜譬喻集經或無集字見高僧傳及長房錄

吳品經五卷

祐錄無經字云凡有十品房云即是小品般若見僧祐錄別錄云第三譯

菩薩淨行經二卷

是大集寶髻品異譯或直云淨律經云赤鳥年出見竺道祖吳錄別錄云別品別

譯前後兩譯一存一闕

權方便經一卷

與順權方便經等同本
初出見吳錄及別錄

菩薩二百五十法經一卷

或二卷以此替大僧二百五十戒
示孫皓者見高僧傳及長房錄

坐禪經一卷

見長房錄
部十卷見在吳品等

右七部二十卷六度等二
部十卷闕本

慧皎高僧傳康僧會其先康居人世居天竺其父因商

賈移於交趾會年十餘歲二親並亡以至性奉孝服畢

出家勵行甚竣爲人宏雅有識量篤志好學明解三藏

博覽六經天文圖緯多所綜涉辯於樞機頗屬文翰時

吳地初染大法風化未全會欲使道振江左興立圖寺

乃杖錫東游以吳赤烏十年初達建業營立茅茨設像

行道孫權卽爲建塔以始有佛寺故號建初寺因名其

地爲佛陀里由是江左大法遂興孫皓問罪福之由會

爲數析辭甚精要皓先有才解欣然大悅因求看沙門
戒會以戒文禁祕不可輕宣乃取本業百二十五願分
作二百五十事行住坐臥皆願眾生皓見慈願廣普益
增善意卽就會受五戒乃於會所住處更加修飾宣示
宗室莫不敬奉會在吳朝亟說正法以皓性凶麤不及
妙義唯敘報應近事以開其心會於建初寺譯出眾經
所謂阿難念彌陀經鏡面王察微王梵皇經等又出小
品及六度集雜譬喻等並妙得經體文義允正至吳天
紀四年四月皓降晉九月會遘疾而終是歲晉武太康
元年也

智昇開元釋教錄曰孫皓於會所住更加修飾號天子

寺會以權太元元年辛未於所創建初寺譯六度等經
七部又長房等錄更有阿難念彌陀經鏡面王經察微
王經梵皇經並出六度集中不合爲正譯之數今並刪
之

隋書經籍志曰三國時有西域沙門康僧會齋佛經至
吳譯之吳主孫權甚大敬信

嚴可均全三國文編曰康僧會天竺人幼隨父居交阯
年十餘出家其先康居人因謂之康僧漢末入吳吳主
權以爲博士赤烏中居建初寺造舍利塔中國有寺塔
自此始天紀四年吳平尋卒

法華三昧經六卷

一本行正字與法護正法華等同本見竺
道祖魏錄亦見始興錄別錄云吳外國

三藏文疆良接譯
出翻經圖第一譯

智昇開元釋教錄曰沙門支疆良接吳云正無畏西域
人以孫亮五鳳二年乙亥於交州譯法華三昧經沙門
竺道馨筆受長房內典二錄編於曹魏之代今依交州
及始興地割入吳錄

右吳 開元釋教錄曰吳孫權黃武元年壬寅至孫
皓天紀四年庚子凡經四主五十九年緇素五人所
出經律集凡一百二部一百五十六卷於中五十七

部八十六卷見在四十五部七十卷闕本

道世法苑珠林傳記

篇翻譯部南吳孫氏傳譯道俗四人所出經傳等一
百四十八部一百八十五卷此據大唐內典錄所載
之數今從智昇
摩定者錄之

不思議功德諸佛所護念經二卷

出眾經或云不思議功德經或直云功德經別錄

云或四卷曹魏代譯失三藏名

七佛父母姓字經一卷

舊錄云七佛姓字經出增一阿含第四十五異譯別錄云與增一阿含

不善品同木異譯

雜阿含經一卷

見舊錄出雜阿含中別錄云在吳魏錄

阿毘曇甘露味論二卷

或無論字或云甘露味經亦云甘露味阿毘曇尊者瞿沙造別錄云單

本

蜀普曜經八卷

似是蜀土所出第一譯

長者子誓經一卷

見舊錄第二出

無端底持經一卷

舊錄云無端底總持經第一出別錄云第三譯

蜀首楞嚴經二卷

舊錄似蜀土所出第三譯

後出首楞嚴經二卷

見舊錄云有十偈第四出

阿惟越致轉經十八卷

見舊錄

摩訶乘經十四卷

或云摩訶衍

摩訶衍優波提含經五卷

祐云摩訶乘

三昧王經五卷

梵王請問經五卷

佛從兜率降中陰經四卷

出王宗錄

四天王經四卷

疑一部四本

魔王請問經四卷

釋提祖因所問經三卷

大梵天王請問法輪經三卷

法華光瑞菩薩現壽經三卷

今疑鈔
正法華

普賢菩薩答難二千經三卷

別錄云今疑
鈔度世品

梵天王請佛千首經二卷

大梵王
經似此

菩薩常行經一卷

見舊
錄

熒火六度經一卷

舊錄有明度經一卷
云一名熒火明度經

內禪波羅密經一卷

口舊
錄

大總持神咒經一卷

見舊錄亦云
總持咒經

阿惟越致菩薩戒經一卷

舊錄無
菩薩字

雜數經二十卷

見舊
錄

那先譬喻經四卷

見舊
錄

太子試藝本起經二卷

深斷連經二卷

摩訶目犍連與佛物能經一卷見舊錄

阿難得道經一卷見舊錄

阿難般泥洹經一卷見舊錄

阿那律念復生經一卷見舊錄

沙門分衛見怪異經一卷見舊錄

弟子本行經一卷見舊錄高僧傳云白法祖譯

爲壽慈天子說法經一卷舊錄云命盡天子經

魔試佛經一卷見舊錄

阿須倫問八事經一卷舊錄云阿須倫所問八事經

摩竭王經一卷舊錄云摩竭國王經

薩波達王經一卷

見舊錄祐孫云
薩和達王經

年少王經一卷

見舊錄

是光太子經一卷

見舊錄

長者難提經一卷

見舊錄

女利行經一卷

見舊錄

四婦因緣經一卷

見舊錄

須多羅經一卷

舊錄云須多
羅入胎經

檀迦經一卷

見舊錄音言堅強說曰晉
言合編音錄或作墮字

盤達龍王經一卷

見舊錄

牛米自供養經一卷

舊錄無
養字

行收食牛經一卷

見舊錄或
作放字

噴釋迦收牛經一卷見舊錄或作隨字

法嚴經一卷見舊錄疑卽是寺入法嚴經

壁四經一卷見舊錄按別錄作壁四經

止寺中經一卷見舊錄

安般行道經一卷見舊錄

解慧微妙經一卷見舊錄

失道得道經一卷見舊錄

心情心識經一卷見舊錄云有注

檢意向正經一卷見舊錄

道德果證經一卷見舊錄

父子因緣經一卷見舊錄

小觀世樓炭經一卷

見舊錄

大四諦經一卷

見舊錄

五方便經一卷

見舊錄

五惟越羅名解說經一卷

見舊錄

五陰經一卷

見舊錄

中五濁世經一卷

見舊錄

大七車經一卷

見舊錄

八正邪經一卷

見舊錄祐云
入正入邪經

八總持經一卷

見舊錄

八輩經一卷

見舊錄

大十二因緣經一卷

見舊錄

十八難經一卷

見舊錄

五十二章經一卷

見舊錄別有孝明四十二章經

百八愛經一卷

見舊錄似鈔五蓋疑結經

小安般舟三昧經一卷

見舊錄

禪數經一卷

見舊錄

羣生偈經一卷

見舊錄

大戒經一卷

見舊錄

衣服制經一卷

見舊錄

沙彌離威儀一卷

見舊錄字似雜字之譌按離

道本五戒經一卷

見舊錄

威儀經一卷

見舊錄法經錄中無經字

雜賢喻經八十卷

見舊錄

智昇開元釋教錄曰右魏吳失譯凡八十七部二百六十一卷僧祐失譯錄並載之不思議等四部六卷見在蜀普曜等八十三部二百五十五卷闕本又長房等錄載魏吳失譯總有一百一十部二百九十一卷云並是古舊二錄失譯諸經今以餘二十三部三十卷或翻譯有源或別名異號或大部流出或疑僞非真今並刪除庶免繁雜云

右翻譯之屬

支謙無量壽經贊一卷

支謙中本起經贊一卷

支謙了本生死經注一卷

慧皎高僧傳支謙又從無量壽中本起製菩薩連句梵唄三契并注了本生死經等皆行於世

智昇開元釋教錄曰又依無量壽中本起經製讚菩薩連句梵唄三契注了本生死經皆行於世

康僧會法鏡經注二卷

康僧會道樹經注一卷

康僧會安般經注一卷

慧皎高僧傳會又傳泥洹唄聲清靡哀亮一代模式又注安般守意法鏡道樹等三經并製經序辭趣雅便義旨微密並見於世

智昇開元釋教錄曰會復有法鏡經注解二卷道樹經
注解一卷安般經注解一卷此三經會兼製序

嚴可均全三國文編曰釋藏服字跡字號有康僧會法
鏡經序又敬字輩字號有安般守意經序

右贊注之屬

右魏吳佛經凡翻譯一十家一百一十二部失譯八十七部
贊注二家六部

三皇內文天文三卷

抱朴子地真篇云昔黃帝見紫府先生
受三皇內文以劾召萬靈 又遐覽篇

云道書之重者莫過於三皇內文道士欲求長生持此書入
山辟虎狼山精五毒百邪涉江海卻蛟龍止風波 明白雲
齋道藏目錄三皇內祕文三卷凡
天皇文九章地皇人皇文各十章

元文上中下三卷

混成經二卷

宋史藝文志神仙家務元子混成經一卷道藏闕經目錄有務光子混成論

元錄二卷

通志藝文略上清太上元錄一卷

九生經一卷

道藏目錄有九天生神玉章經一卷

含影圖一卷

守形圖一卷

九變經一卷

十二化經一卷

二十四生經一卷

呼身神治百病經一卷

內視經一卷

抱朴子地真篇道術諸經所思存念作可以卻惡防身者如含影藏形及守形無生九變十二

化二十四生等思見身中諸神而內視令見之法不可勝計亦各有效也

九仙經一卷

道藏目錄有南嶽九仙人傳 又關經目錄有洞元靈寶太上九仙經 又見吳氏志

靈卜仙經一卷

老君玉歷真經一卷

墨子枕中五行記五卷

選覽篇云其變化之術大者唯有墨子五行記 隋經籍志五行家云梁

有五行變化 墨子五卷

溫寶經一卷

息民經一卷

自然經一卷

道藏關經目錄有自然經五卷

陰陽經一卷

養生書一百五卷

太平經五十卷

御覽道部引 太平經文

九敬經一卷

原注一作九都

甲乙經一百七十卷

按此即後漢于吉太平清領書詳見後漢藝文志道書中

青龍經一卷

中黃經一卷

藝文略道家吐納篇中黃經一卷九仙君撰陳氏書錄解題云亦名胎藏論

太清經一卷

通明經一卷

按摩經一卷

漢書藝文志神仙家有黃帝岐伯按摩十卷藝文略宋史志按摩要法一卷

道引經十卷

漢志神仙家有黃帝雜子步引十二卷隋志醫方家道引圖三卷

元陽子經一卷

元女經一卷

素女經一卷

抱朴子極言篇黃帝論道養則資玄素二女誘淮南子注曰素女黃帝時方術之女也隋志

陶方家素女祕道
經并玄女經一卷

彭祖經一卷 極言篇彭祖經云殷王遺綠女從受房中之術
劉向列仙傳亦言彭祖是仙人也 隋志有彭祖養生性論一卷道藏目錄有

陳敖經一卷

子都經一卷

容成經一卷 抱朴子僊滯篇房中之法十餘家元素子都容成公彭祖之屬皆載其靈事終不以至要者著於紙上者也 漢志房中家有容成陰道二十六卷

入山經一卷 注云山當作內

內寶經一卷

明鏡經一卷

日月臨鏡經一卷

四規經一卷抱朴子登涉篇萬物之老者其情悉能假託人形以眩惑人目而常試人唯不能於鏡中易其真形耳是以古之入山道士皆以明鏡徑九寸已上懸於背後又雜應篇云明鏡或用一或用二謂之日月鏡或用四謂之四規四規者照之時前後左右各施一也用四規所見來神甚多云云隋志五行家梁有日月鏡四規鏡經各一卷

五言經一卷

柱中經一卷

靈寶皇子心經一卷

正機經一卷

平衡經一卷

飛龜振經一卷抱朴子辨問篇云靈寶經有正機平衡飛龜投杖凡三篇皆仙術也

龍躡經一卷

鹿盧躡經一卷

雜應篇云若能乘躡者可以周流天下不拘山河凡乘躡道有三法一曰龍躡二曰虎躡

三日鹿盧躡

陷形記一卷

坐亡圖一卷

抱朴子對俗篇道術有變易形兒吞刀吐火等在立亡

觀臥引圖一卷

觀天圖一卷

木芝圖一卷

菌芝圖一卷

肉芝圖一卷

石芝圖一卷

大魄雜芝圖一卷

抱朴子仙藥篇仙藥之上者丹砂次則黃金次則白銀次則諸芝又曰五芝者有石

芝有木芝有草芝有肉芝有菌芝各有百二十種白
有圖也

漢志神仙家有黃帝雜子芝菌十八卷
遐覽篇云道書之重者莫過
三皇文及五嶽真形圖也

隱守記一卷

東井圖一卷

道藏闕經目錄有太上混
元上德皇帝沐浴東井經

虛元記一卷

牽牛中經一卷

王彌記一卷

藏本作
王彌

臘成記一卷

六安記一卷

鶴鳴記一卷

華陽國志漢末沛國張陵學道於蜀鶴鳴
山造作道書自稱太清玄元以感百姓

平都記一卷

定心記一卷

龜文經一卷雜應篇云老子篇中記及龜文經皆言大兵之後金木之年必有大疫萬人餘一云云又黃白篇亦引龜甲文道藏闕經目錄

山陽記一卷

玉策記一卷

對俗篇引玉策記及昌字經仙藥篇引玉策記及開明經登涉篇云或佩老子玉策卷亦託之

老子昌字經開明經或亦道書又黃白篇引玉策記

八史圖一卷

雜應篇云或問將來吉凶安危去就之道摛朴子曰或以三皇天文召司命或召致八史八史

者八卦之精也亦足以豫識未形矣

入室經一卷

唐書藝文志神仙家老子入室經一卷

左右契一卷

登涉篇言老子左契

玉歷經一卷

昇天儀一卷

九奇經一卷

更生經一卷

道藏闕經目錄有太上混元上德皇帝反胎更生經

四衿經十卷

食日月精經一卷

宋志神仙家有回耀飛光日月精氣上經一卷

食六氣經一卷

丹一經一卷

胎息經一卷

對俗篇云仙經曰服丹守一與天相鼎還精胎息延壽無極皆至道要言也 藝文略元君胎

息經一卷

行氣治病經一卷

勝中經十卷

百守攝提經一卷

丹壺經一卷

原注一作丹臺

岷山經一卷

金丹篇云道士張蓋踰精思於岷山石室又涉篇云昔張蓋踰及偶高成二人並精思於蜀

雲台山石室

魏伯陽內經一卷

魏伯陽有參同契諸書詳見後漢藝文志道書中

日月廚食經一卷

步三罡六紀經一卷

藝文略有太微帝君步天綱行地紀金簡玉字上經一卷

入軍經一卷

六陰玉女經一卷

雜應篇或問將來吉凶去就曰或召六陰玉女其法六十日成可殺使

四君要用經一卷

金鴈經一卷

三十六水經一卷

宋志神仙家三十六水法一卷白雲齋曰煮諸石三十六種法

白虎七變經一卷

隋志五行家梁有白獸七變經一卷遐覽篇云白虎七變法可以移形易貌飛沈

任

道家地行仙經一卷

論仙篇仙經云上士昇虛謂之天仙中士游於名山謂之地仙仙藥篇云白

銀不及金玉耳可以地仙也

黃白要經一卷

黃白篇云神仙經黃白之方二十五卷千有餘首黃者金也白者銀也漢志神仙家有

泰壹雜子黃冶三十一卷隋志醫方家有雜神仙黃白法十二卷

八公黃白經一卷

仙藥篇云昔仙人八公各服一物以得陸仙各數百年乃合神丹金液而昇太清耳

宋史志有八公紫府河車歌一卷

枕中黃白經五卷

黃白篇云余昔從鄭君受黃白中經五卷鄭君言曾與左君於廬江銅山試作皆成

也

白子變化經一卷

原注白一作帛 按此似卽謂帛仲聖神
理名和大抵漢魏時人至葛稚川時又有

假託白和者
見祛感篇

天師神器經一卷

原注器一作氣 按天師卽謂張陵也詳
見後漢藝文志通志略有張道陵中山玉

攢神氣
訣一卷

移災經一卷

厭禍經一卷

中黃經一卷

按此已見前似重出然藝文略吐納家有
中黃經辟穀家又有太上老君中黃妙經

文人經一卷

涓子天地人經一卷

劉向列仙傳云涓子著天地人經
四十八篇其琴心三篇有條理

崔文子肘後經一卷

劉向列仙傳云崔
文子太山人也

神光占方來經一卷

道藏目錄有
天老神光經

水仙經一卷

尸解經一卷

論仙篇曰中士游於名山謂之地仙下士先死後脫謂之尸解仙

中遁經一卷

李君包天經一卷

包元經一卷

黃庭經一卷

唐藝文志老子黃庭經一卷

淵體經一卷

太素經一卷

華蓋經一卷

唐志神仙家老子華蓋觀天訣一卷

行廚經一卷

微言三卷

文始先生經一卷 通志略文始先生說道經一卷
按此似即關尹子見漢志道家

歷藏延年經一卷

南闕記一卷 原注闕
一作闕

協龍子記七卷

九宮五卷 御覽道部引祕要經
太清九宮皆有僚屬

三五中經一卷 藝文略有三五思神圖一卷又
太上三五禁氣步罡法一卷

宣常經一卷

節解經一卷

鄒陽子經一卷 不知是否即
是漢鄒陽

元洞經十卷

元示經十卷 御覽道部
引元示經

箕山經十卷

仙藥篇云石硫磺芝五嶽皆有而箕山爲多其方言許由就此服之而長生故不復以富貴累

意不受堯禪也

鹿臺經一卷

小僮經一卷

河洛內記七卷

舉形道成經五卷

原注道一作通

道機經五卷

金丹篇云流俗道士無一人不有道機經以爲至祕乃云是尹喜所撰余告之曰此是魏世軍

督王圖所撰耳非古人也圖了不知大藥正欲以行氣入室求仙作此道機謂道畢於此此復是誤人之甚者

見鬼記一卷

論仙篇云神仙集中有使人見鬼之術

無極經一卷

宮氏經一卷

真人玉胎經一卷

道根經一卷

候命圖一卷

反胎胞經一卷

枕中清記一卷

幻化經一卷

對俗篇幻化之事九百有餘

詢化經一卷

金華山經一卷

御覽道部云金華山有五宮太一所處又葛洪神仙傳曰金華山有石室丹籙人皇初平

之隱處也

鳳綱經一卷

明李延醫學入門姓氏曰鳳綱漢陽人采百草花水漬百日煎膏爲丸有卒死者以此藥納口

中水下之卽生

召命經一卷

保神記一卷

鬼谷經一卷

道藏目錄有鬼谷子天
儲靈文二卷注云法術

凌霄子安神記一卷

去耳子一卷

黃山公記一卷

御覽道部引劉向列仙傳曰黃山君者修彭
祖之術彭祖去後七十餘年門人於流沙之西見之

引黃山公記云彭祖去後七十餘年門人於流沙之西見之
又彭祖之弟子青衣烏公黑穴公秀眉公白兔公子離婁公
太足君高丘子不肯來七八人
皆歷數百歲在殷而各仙去

王子五行要真經一卷

王藏本
作玉

小餌經一卷

金丹篇言諸小餌丹方甚
多又言有小餌黃金法

鴻寶經一卷

鄒生延命經一卷

漢書劉向傳言淮南有鄒行重道延命方

安魂記一卷

論仙篇有云魂魄分去則人病術家有拘錄之法

皇道經一卷

九陰經一卷

雜集書錄

此以下或皆是雜集書錄者也

銀函玉匱記一卷

金板經一卷

黃老仙錄一卷

原都經一卷

元元經一卷

日精經一卷

渾成經一卷

三尸集一卷

微旨篇云身中有三尸三尸之爲物雖無形而實魂靈鬼神之屬也欲使人早死此尸當得作

鬼自放縱游行享人祭醑是以每到庚申之日輒上天白司

命道人過失道藏缺經目錄有太上混元上德皇帝三尸

經

按此謂易內成赤松子經河圖記命符皆有是言大似張陵等鬼道之說

收山鬼老魅治邪精經三卷

極言篇云山神作禍則妖鬼試之致多死事

非一條也

入五毒中記一卷

休糧經三卷

對俗篇有云吾今知仙之可得也吾能休糧不食也通志略宋史志有休糧諸方一卷

采神藥治作祕法三卷

登名山渡江海救地神法三卷

趙太白囊中要五卷

入濕氣疫病大禁七卷

雜應篇引仙人入瘟疫祓禁法

收治百鬼召五嶽丞太山主者記三卷

論仙篇云神仙集中有召神劾鬼之法

按漢志雜占家亦執不祥劾鬼物八卷

興利宮宅官舍法五卷

按漢志形法家亦有宮宅地形二十卷

斷虎狼禁山林記一卷

至理篇云吳越有禁咒之法多烝耳入山林能禁虎豹及蚊蜂皆悉令伏

不能起

召百里蟲蛇記一卷

萬畢高正先生法三卷

隋志五行家梁有淮南萬畢術一卷高正先生或即彭祖弟子高正子見

前黃山公記

王喬養性治身經三卷

列仙傳云王子喬者周靈王太子晉也或曰王喬古仙人亦見後漢書方

術傳

服食禁忌經一卷

立功益算經一卷

微旨篇云覽諸道戒欲求長生者必積善立功慈心於物恕己及人

道士尋算律三卷

微旨篇云諸應奪算者有數百事不可具論

移門子記一卷

仙藥篇云移門子服五味子十六年色如玉女入水不沾入火不灼

鬼兵法一卷

立亡術一卷

對俗篇後漢書載魏尚能坐在立亡

練形記五卷

郊公道要一卷

角里先生長生集一卷

商山四皓之一也見漢書張良傳所當為內讀如祿

少君道意十卷

始卽謂李少君也見封禪書郊祀志

樊英石壁文三卷

樊英見後漢書方術傳詳見後漢藝文志

思靈經三卷

龍首經一卷

道藏目錄黃帝龍首經二卷注云七十二占法

荆山記一卷

微旨篇云黃帝於荆山下鼎湖之上飛九丹成乘龍登天也

孔安仙淵一卷

按至理篇引孔安國祕記言張良得仙事疑卽此書此致國字歟

赤斧子大覽七卷

列仙傳云赤斧者巴戎人也爲碧雞祠主簿手掌中有赤斧焉

董君地仙卻老要記一卷

按論仙篇引董仲舒李少君家錄疑卽此書

李先生口訣肘後二卷

玉女隱微一卷

遐覽篇云其變化之術之大者唯有墨子五行記其次有玉女隱微一卷

抱朴子遐覽篇或曰先生旣窮觀墳典又兼綜奇祕不

審道書凡有幾卷願告篇目抱朴子曰昔者幸遇明師

鄭君語余曰雜道書中卷卷有佳事但當校其精麗而

擇所施行耳乃先以道家訓教戒書不要者近百卷稍示余又漸得短書縑素所寫者積年之中合集所見當得二百許卷他書雖不具得皆疏其名今將爲子說之後生好書者可以廣索也凡有不言卷數者皆一卷也又曰遐覽者欲令好道者知異書之名目也

自來符一卷

金光符一卷

太元符三卷

通天符一卷

五精符一卷

石室符一卷

玉策符一卷

枕中符一卷

小童符一卷

九靈符一卷

六君符一卷

元都符一卷

黃帝符一卷

少千三十六將軍符一卷

辨問篇云少千誥百鬼
長房縮地脈蓋人名也

延命神符一卷

天水神符一卷

四十九真符一卷

天水符一卷

青龍符一卷

白虎符一卷

朱雀符一卷

元武符一卷

朱胎符一卷

七機符一卷

九天發兵符一卷

九天符一卷

老經符一卷

七符一卷

大桿屐符一卷

元子符一卷

武孝經一卷

燕君龍虎三囊辟兵符

包元符一卷

沈義符一卷

禹躄符一卷

消災符一卷

八卦符一卷

監乾符一卷

雷電符一卷

萬畢符一卷

八威五勝符一卷

威喜符一卷

巨勝符一卷

采女符一卷

元精符一卷

玉歷符一卷

北臺符一卷

陰陽大鎮符一卷

枕中符一卷

治百病符十卷

厭怪符十卷

壺公符二十卷

九臺符九卷

六甲通靈符十卷

六陰行厨龍胎石室三金五木防終符合五百卷

軍火召治符玉斧符十卷

抱朴子遐覽篇道經有三皇內文等其次有諸符則有
自來符至玉斧符皆大符也其餘小小不可具記鄭君
言符出於老君皆天文也老君能通於神明符皆神明
所授今人用之少驗者由於出來歷久傳寫之多誤故
也又曰凡爲道士求長生志在藥中耳符劍可以御鬼

辟邪而已諸大符乃云用之可以得仙者亦不可專據也昔吳世有介象者能讀符文知誤之與否有人試取治百病雜符及諸厭劾符去其籤題以示象皆一一據名之其有誤者便爲人定之自是以來莫有能知者也

介象見吳志方術傳注

太清丹經三卷金丹篇云太清神丹其法出於元君元君者老子之師也太清觀天經有九篇其上三篇不可教授其中三篇世無足傳常沈之三泉之下其下三篇者正是丹經上中下凡三卷也又曰近代漢末新野陰君合此太清丹得仙

九鼎丹經一卷

金丹篇按黃帝九鼎神丹經云黃帝服之遂以昇仙又云黃帝以傳元子又云台時又當

祭祭時自有圖法一卷 第一之丹名曰丹華第二名曰神丹第三亦曰神丹四曰還丹五曰餌丹六曰鍊丹七曰柔丹八曰伏丹九曰寒丹

金液丹經一卷

金丹篇云金液太乙所服而仙者也不滅九

之於元君云

道藏目錄金液

神丹經上卷本文五百四字

五靈丹經一卷

金丹篇云其次有五靈丹經一卷有五法也但不及太清及九鼎丹藥耳

岷山丹法

金丹篇云道士張蓋踰精思於岷山石室中得此方也

務成子丹法

漢志小說家玉行家房中家並有務成子書詳見漢志條理

羨門子丹法

漢志五行家有羨門式法詳見漢志條理

立成丹

金丹篇又有立成丹亦有九首似九鼎而不及也

赤松子丹法

劉向列仙傳云赤松子者神農時雨師也

石先生丹法

康風子丹法

崔文子丹法

崔文子見前道藏目錄有崔公入藥鏡一卷凡八十二句言簡而意盡貫諸丹經之骨髓也

劉元丹法

樂子長丹法

御覽道部三洞珠囊曰樂子長齊人

李文丹法

尹子丹法

太乙招魂魄丹法

極言篇云黃帝及老子奉事太乙元君以受要訣

采女丹法

稷正子丹法

劉向列仙傳稷正君者太山下道士也武帝時人黃白篇云角里先生從稷正子受黃金法

墨子丹法

張子和丹法

綺里丹法

綺里季商山四結之一也此脫季字

玉柱丹法

肘後丹法

李公丹法

劉生丹法

王君丹法

陳生丹法

韓終丹法

韓終秦始皇時方士 仙藥篇云韓終服百蒲
十三年身生毛日視書萬言皆誦之冬袒不寒

抱朴子金丹篇昔左元放於天柱山中精思而神人授
之金丹仙經會漢末亂不遑合作而避地江東志欲投
名山以修斯道余從祖仙公又從元放受之凡受太清
丹經三卷及九鼎丹經一卷金液丹經一卷余師鄭君
者則余從祖仙公之弟子也又於從祖受之江東先無

此書書出於左元放元放以授余從祖從祖以授鄭君
鄭君以授余故他道士了無知者也又曰余考覽養生
之書鳩集久視之方曾所披涉篇卷以千計矣莫不皆
以還丹金液爲大要者焉然則此二事蓋仙道之極也
今略鈔金丹之都較以示後之同志好之者自韓終丹
法以往尙數十法不可具論又諸小餌丹方甚多有神
丹方小丹法小餌黃金法兩儀子餌消黃金法然小丹
之下者猶自遠勝草木之上者也

右道書凡三門綜二百九十一部自秦皇漢武崇祠祀求長
生而神仙方士之術於是乎大起封禪書郊祀志所載實繁
有徒至後漢之季沛人張陵張魯以鬼道惑眾而其徒

其書亦浸淫汗漫不可究詰逮至魏晉流風未熄抱朴子金丹籙云余周旋徐豫荆襄江廣數州之閒閱見流移俗道士數百人矣道意篇云諸妖道百餘種皆煞生血食獨有吳大帝時李家道無爲爲小差然每供福食無有限劑未爲清淨皆宜在禁絕之列又曰李寬弟子布滿江表動有千計勤業篇云世閒自有姦僞圖錢之子竊道士之號者不可勝數而祛感篇所載古強蔡誕項曼都白和四人僞託古神誑惑多端共識之以爲戲笑然此輩但飾詐欺愚未必能著書垂世也釋滯篇云道書之出於黃老者蓋少許耳率多後世之好事者各以所知見而滋長遂令篇卷至於山積勤求篇又云後之知道者于吉容嵩桂帛諸家各著千所篇多教誡之言

按葛稚川生於晉初其所見道書皆本其師鄭君鄭君者名
景世亦曰思遠師其從祖葛仙公名玄者皆魏吳時人然則
遐覽篇金丹篇所載皆三國時所有之書余撰集後漢三國
藝文志既取開元釋教錄爲佛經之目因取此所臚舉者爲
道書錄其中有可以攷見者略附數語不求甚詳其他篇所
引尙有易內戒河圖記命符赤松子經中黃子服食節度神
藥經銅柱經昌字記開明經九天祕記太一遁甲遁甲中經
玉鈴經玉牒記玉經金簡記百鬼錄白澤圖九鼎記周公城
名錄董仲舒李少君家錄孔安國祕記亦多是道書或小說
家書隋志舊唐書家又有葛仙公狐剛子萬金訣二卷并譜六
此不別出焉

三國藝文志卷四

補後漢藝文志四卷三國藝文志四卷姚振宗撰振宗字海槎山陰人諸生所居山深水複卽放翁快閣故址也隱居讀書不與人事望之如神仙中人尤同光閒罕覩者博極羣書於目錄之學實能貫通今古越中向推章實齋章逢之二家振宗生百有餘年之後實足紹二家之傳著漢藝文志隋經籍志考證又訂逢之之失無不實事求是後漢志未成三國無志補後漢者嘉定錢大昭可廬二卷脫漏甚多似非完書番禺侯康君謨四卷考證尙精門類不備江寧顧樞三秋碧十二卷又與輯書不分三家均未爲完璧三國只君謨一種亦與後漢同病海槎之書局面博大考證細密於斷代尤爲謹嚴後附釋道二家之書亦有確據海槎歿子三人寶持遣

書借讀不吝亦佳子弟也謹刊兩書以惠學者藉以慰海祥
好古敏求之盛心矣歲在柔兆執徐八月吳興張鈞衡跋